



Wantok



Namba 1873 Wan Wik Julai 8 - 14, 2010

Niuspepa Bilong Yumi Ol PNG Stret! K1 tasol

Sabina's
Conner - P6

Business of government in PNG like a jute box in a tavern

Vot I Nogat Bilip ken kamap

MOSEN o toktok bilong **Vot i** **Nogat Bilip long rausim Gavman** **bilong Somare inap kamap taim** **Palamen i bung long Julai 20 ki-** **bung.**

Na dispela toktok em Oposisen bai inap kamapim.

Em i bikipela tingting bilong Oposisen long longpela taim tasol dispela nau bai kamap isi bihain long disisen bilong Suprim Kot long aste.

Oposisen i no bin inap long lukim kaikai bilong tingting bilong ol bikos long stap bilong Oganik Lo long Integriti bilong Politikel Pati na Kendidet (OLIPPAC).

Dispela lo i pasim ol Memba bi-

long Palamen long ol i no ken go agens long pati bilong ol long tok agens long gavman sapos pati bilong ol i tok yesa long tingting bilong gavman.

Tasol dispela nau i pinis bihain long Suprim Kot i painim OLIPPAC i brukim Mama Lo.

Wantok Nius i laik kisim tingting bilong Oposisen long dispela disisen tasol i no bin inap.

Gavana bilong Westen Provins Dokta Bob Danya i kisim dispela tok i go long Suprim Kot long skelim we Kot i mekim disisen.

Dokta Danaya i tok hap bilong OLIPPAC i no stret long wanem em

i tok ol ilektet memba i noken tok pait agensim disisen bilong ol pati bilong ol.

Kot i painim dispela lo i brukim Mama Lo long pasim rait na fridom bilong wanwan manmeri.

Dispela lo i tok ol Memba bilong Palamen i no ken risain long ol politikol pati bilong ol, i no vot long rausim praim minista sapos ol i stap long sait bilong gavman, i noken vot agensim mani plen gavman i kamapim na i no ken vot agens long ol lo we Gavman i kamapim.

Long dispela as Suprim Kot i painim OLIPPAC i gat asua.

Tasol Praim Minista Se Michael i

tok ol loya bilong em i wok long skelim dispela disisen na gavman bai painim sampela rot long lukim olsem stap bilong ol pati i sanap strong yet.

Se Michael Somare i tok welkam long disisen bilong Suprim Kot long Oganik Lo long Integriti bilong Politikel Pati na Kendidet (OLIPPAC) i brukim lo na i gat asua.

Em i tok Suprim Kot i painim olsem planti hap bilong OLIPPAC i brukim Mama Lo na olsem dispela i no stret.

I go moa long pes 2



TRUPELA PNG KALA: 19 Pasifik Pawa Konfrens i kam long Pot Mosbi dispela wik, planti bilong ol bikman meri bilong pawa long pasifik na narapela kantri i bin kam long dispela bung, long welkamim ol planti ol singsing grup i bin soim kalsa bilong PNG long ol, poto i soim Bosmeri bilong Olex kampani long Australia Karun McNamara i aigris long kala bilong bilas bilong tupela yangpela meri Hailans Dorcas Joe na Lyneth David long taim bilong opim bilong konfrens, Olex kampani em i kampani i save mekim ol waia PNG Pawa i save yusim long pulim pawa antap long het bilong ol pos long sait bilong rot. Poto: Nicky Bernard

Lukim moa poto bilong 19th Pasifik Pawa Konfrens i kamap Pot Mosbi long Pes 16...

Kisim Motorola WX181!



Baim Niupela
Moto WX181.
I kam wantaim
FM redio na
planti moa!

Olgeta fon igat fri
kredit na frim sim kad
stap insait pinis..

Digicel

Biapela, Gorpela moa Niewik bilong PNG.

Digicel Tems na Kondisen i stap.



OCEAN BLUE TUNA

*Gutpela abus tru na
i no dia tumas!*

OX & PALM



Goroka nogat moa ples long tromoi pekpek

Sape Metta i raitim

OL lain manmeri na pikinini husat i save yusim ol blek baket toilet sistem long Goroka, Isten Hailans provins, bai ken kisim taim nau long wanem lidaman husat i papa long Fimito suris damp eria i pasim pinis geit long wik i go pinis long ples we ol wokman bilong Goroka taun atoriti i save kisim ol baket pekpek i go na kapsaitim na wasim long en.

Francis Warigiso, husat em wanpela lokel kopi bisnisman na papagraun long Fimito na Fafana hauslain, i tok em i gat bikpela wari tru long laip na sindaun bilong ol pipel bilong em long ples bikos hevi bilong suris

em i wok long bringim planti hevi olsem sik taipoit, pekpek wara na ol arapela sik tu we i wok long kamap bikpela tru na daunim tu planti ol lain manmeri long dispela eria.

"Na planti ol lokel lain manmeri long viles na tu ol blek baket wokman bilong Goroka taun atoriti i lusim laip bilong ol pinis long hevi bilong dispela suris. Na husat tru bai ken sutim tok i go long ol long dispela hevi?" Warigiso i askim.

Em i tok long 2008 Nesenel Gavman i bin tok orait na givim pinis K8 milien i go long Goroka Taun Atoriti long appredim na stretim dispela suris damp eria.

"Tasol Taun Atoriti i no bringim wanpela gupela wok long stretim dispela eria i kam inap nau.

Tripela krismas i go pinis na ol i no mekim wanpela samting long stretim dispela suris damp eria, so mi pasim nau dispela eria bilong kapsaitim ol blek baket pekpek na ol manmeri husat i save yusim dispela sistem bai i ken kisim taim nau," Warigiso i tok.

Em i singaut i go long lain husat i go pas long eria atoriti long kamap nau na stretim dispela suris eria, long wanem sapos ol i no inap long mekim wanpela samting, hevi bilong kain kain sik na ol manmeri long ples bai i ken i go het na lusim laip bilong ol yet.

"Na dispela K8 milien bilong stretim dispela suris damp eria em i go we?" Warigiso i askim.



PEKPEK WARA: Lokel lidaman Francis Yarokave i soim ples we siwiris paip bilong taun we i save kisim ol pipia na pekpek i go daun long en long Fimito damp eria klostu long Goroka taun long Isten Hailans. *Ol poto: SAPE METTA*

Vot i nogat bilip ken kamap

I kam long pes 1

"Dispela lo we Dokta John Nonggor, loya bilong bipo Praim Minista Se Mekere Morauta i raitim long kamap bilong gupela stap bilong ol politikol pati em Suprim Kot i painim planti asua.

"Em i kamap lo long dispela taim (taim bilong Mekere) bikos i gat planti bruk i kamap insait long ol politikol pati na kamap bilong dispela lo i bilong pasim kain pasin.

"Long dispela taim mi stap long Oposisen na long gupela stap bilong ol politikol pati mi bin givim sapot bilong mi.

"Bihain long Nesenel Alaens i kamapim gavman long 2002, Papua Niugini i bin amamas long gupela stap bilong ol pati long 8-pela krismas na dispela i lukim gupela kamap bilong ekonomi na invetsimen insait long kantri.

"Nau Suprim Kot i painim tingting bilong Se Mekere na Dokta Nonggor i gat asua.

"Mak bilong dispela disisen inap long kamapim kain kain tingting na bringim PNG i go bek long ol taim we ol Membai wari long stap bilong ol politikol pati na i no lukluk long kamapim wok developmen," Se Michael i tok.

2010 Kaun suruk go long 2011

BIKPELA belkirap bilong kamap bilong 2010 kaun bilong ol manmeri na haus nau i no inap kamap.

Em i suruk go long 2011.

Nesenel Statistikol Opis (NSO) na Dipatmen bilong Nesenel Plening, ejensi we i go pas long dispela jenerel kaun i tok dispela em no hevi bilong mani.

Gavman i givim olsem K84.4 milion long NSO long ronim dispela wok kaunim tasol NSO i painim dispela mani i no inap long kamapim olgeta wok bilong Senses.

Minista bilong Nesenel Plening na Distrik Developmen Paul Tiensten i mekim dispela tok long taim em i tokaut long disisen bilong surukim Nesenel Senses.

Kaun nau bai kamap long 10 Julai, 2010.

"Plen bilong kamapim Nesenel Senses long 11 Julai long dispela yia bai hat long kamap.

"Populesen na hausng senses i wanpela bikpela samting na i hatpela samting wok long karimaut.

"Sampela ol samting insait long dispela wok em long kaunim namba bilong ol haus na raitim mep na wok bilong mekim ol dispela wok i no pinis yet.

"Narapela hevi we i pasim NSO em bikos ol askim we opis i mas kamapim i planti na em i laikim mani na taim long mekim dispela ol

samting.

"Nau yet mani i sot long karimaut dispela wok.

"Long dispela as mipela i surukim Senses i go long 2011," Mista Tiensten i tok.

Em i tok narapela asua we i pasim dispela wok em bikos ol opisa i no plenim gut pastaim long save hamas mani na taim ol i mas gat long prinim ol pepa we ol askim i stap long em.

Tasol em i tok kain hevi i no inap long bagarapim kamap bilong 2020 Nesenel Senses.

"Kaunim bilong manmeri, sosel meping na wok bilong ikonomi bai helpim gut gavman long mekim disisen bilong em long wok developmen na dispela bai bihainim Midium Tem Developmen Strateji," Tiensten i tok.

NSO wantaim DNP&DD i wok bung na redim 2010 Senses pepa.

Ol tok stap olsem namba bilong manmeri long dispela taim i stap olsem 6.5 milion.

Sapos dispela i tru em i soim olsem populesen bilong kantri i save gro long 2.7 pesen.

Wok kaunim i save kamap bihain long olgeta 10-pela yia.

Las kaunim i kamap long 2000 na dispela i lukim namba bilong ol manmeri i bin stap long 5.2 milion.

Kaunim i bin kamap long 1980, 1990, 2000 na 2010 tasol kaun bilong dispela yia nau bai kamap long 2011.

AusAID i salim ol wokman bilong ol we ol i redim ol ripot long rot em Senses i mas ron long em.

Eking Nesenel Statisen Joseph Aka i tok manmeri i mas save:

- Nesenel Senses i narapela long (Iles-sen) Komon Rol. Senses i kaunim manmeri mama i karim inap long manmeri husat i redi long dai tasol i pulim win yet. Komon Rol i kaunim manmeri husat krismas bilong ol i stap long 18 na go antap;
- BAI save hamas namba bilong ol manmeri i stap long wanpela lokol ples;
- BAI save hamas haus sik, skul, rot, bris, ples balus, wok bisnis na ol arapela wok developmen i stap long dispela ples;
- BAI save husat i go long skul na husat i nogat;
- BAI save husat i wok na husat i nogat;
- BAI husat i yangpela na husat i lapun na
- Bai save husat man na husat i meri.

Gavman i givim olsem K84.4 milion long NSO long ronim dispela wok kaunim.

Tasol NSO i painim dispela i no inap.

Long sait bilong wok developmen populesen gro we i stap aninit long Gros Domestik Pro-

PNG long askim Australia long kamapim nupela polisi bilong helpim mani

PAPUA Niugini bai askim Australia long kamapim nupela polisi bilong em long (aid) mani em i helpim PNG.

Na dispela tingting em Minista bilong Foren Afeas na Imaigresen Sam Abal bai mekim long kibung em ol Minista bilong tupela kantri i mekim long Alotau, Milen Be long dispela wik.

Mista Abal i tok em laikim tupela samting long dispela aid mani:

- KAMAPIM Ikonmik Koperesen Triti; na
- AID i mas sut go bihainim Visen 2050 plen.

Long kamap bilong Ikonmik Koporesen Triti Abal i laikim Australia i mas bringim dispela mani i kam insait long kantri. Dispela mani bai stap aninit yet long Developmen Koporesen Agrimen namel long tupela kantri.

Australia i bin kisim mani i kam insait na yusim insait long mani plen bilong PNG tasol i kisim i go bek mani bikos em i lukim PNG i no menesim gut dispela mani.



LAIKIM SENIS: Abal, Minista bilong Foren Afeas na Imigresen.

Nau mani i stap long Australia we Australia baim tasol ol samting long hap bilong em na bihain kisim kam insait na sanapim.

Tasol Abal i laik dispela mani i mas kam bek na stap aninit long Ikonmik Koperesen Triti na Australia mas helpim PNG long lukautim dispela mani.

Long namba tu askim em i laik ol plen bilong Australia long yusim mani i mas bihainim Visen

2050 plen bilong gavman.

Nau yet Australia i bihainim tingting bilong em yet long yusim mani, we em i lukim i gat laik em i yusim dispela man.

"Olgeta kantri, na dispela i kisim tu PNG, olsem ol i laik sanap bilong ol yet.

"Olgeta developmen risoses wantaim helpim mani i mas sut go long strongim dispela tingting.

"Gupela helpim mani polisi em dispela polisi we em i no ken bihainim tingting bilong em yet long bihain taim.

"Mipela bai wanpela longlong gavman sapos mipela i no bihainim kain tingting olsem," Abal i tok.

Kibung i stat long Trinde na pinis long aste.

I gat save olsem long 1990s na kam long 2002 bikpela hap mani plen bilong PNG i kam long helpim mani Australia i save givim.

Na nau yet planti wok bilong stretim infrastraksa olsem bris na rot, ol haus sik na skul i kam long helpim mani bilong Australia.

OXFORD, TOK PISIN INGLIS DIKSENERI

Katim, na pulimapim oda form daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gupela buk we inap strongim Tok Pisin bilong yu.

ORDER FORM

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		
TOTAL: K				
PLUS FREIGHT: K				
GRAND TOTAL: K				

Options for Payment: 1) Direct deposit into Bank Account (Details below); 2) Mail Order to Wood Publishing Company Ltd, PO Box 1102, BORNEO, AUSTRALIA; 3) Cash on delivery (Office 42, Section 14, Alotau, 21, Boroko, PNG)

Account Name: Wood Publishing Company Ltd
Account Number: 100-000 5380
Bank: Bank of South Pacific Ltd.
Branch: Commercial Centre
Branch Code: 8957
Swift Code: BOSPNGPM
FAX BACK TO: (675) 325 2579
Phone: (675) 325 2580
Fax: (675) 325 2579
Email: woodpub@com.net.pg

Name (print): _____
Address (print): _____
Postcode: _____
City: _____
Country: _____
Signature: _____

Kantri mas abrus long yusim piul

Paul Zuvani i raitim

OL KANTRI i mas abrus long yusim piul olsem samting bilong kamapim pawa.

Dispela em long daunim hevi bilong klaimet senis.

Dokta Herb Wade husat i stap na wok long Fiji long planti yia na i helpim ol kantri long Pasifik rijen long kamapim enejis polisi i mekim dispela tok long kibung bilong Pasifik Pawa Asosiesen (PPA) long Mosbi long dispela wik.

Em i tok i gat ol arapela rot olsem haidro pawa, win tebain, sola, solwara na kabon long kamapim pawa na olsem ol kantri i mas lukluk long dispela ol samting.

Plantu ol arapela manmeri na oganaisesen i givim tok i mekim wankain toktok.

Dispela kibung i lukim ol kantri olsem Solomon Ailan, Vanuatu, Fiji, Samoa, Tonga, Kiribat, Cook Ailan, Tahiti na sampela moa i kamap long harim na givim toktok.

Wanpela Australia fan ejensi PACTAM i tok em i redi long givim helpim long ol kantri husat i laik kamapim gutpela na isipela pawa long ol manmeri bilong ol.

Mausmeri i tok ejensi bilong em i mekim planti ol wok pinis na em bai redi long givim strongim ruel ilektrifikesen progrem bilong gavman.

Dispela i nasmba 19 semina bilong PPA na i kamap wantaim hettok 'Kamapim na yusim ol gutpela samting long givim pawa'.

Minista bilong Stet Entaprais Arthur Somare i mas opim long Tunde tasol i no kamap na Gavana bilong Nesenel Kapitel Distrik Powes Parkop i opim.

Eksepisen Nait em Minista bilong Komes na Industri Gabriel Kapris i opim.

I gat tok olsem Minista i stap long Nesenel Eksekyutiv Kaunsil kibung long dispela taim.

Eksekyutiv dairekta bilong PPA Tony Neil i opim dispela kibung.

Kibung bai pinis long tumora Fraide.

Momis bai glasim wok kamap bilong AROB

GAVMAN bilong Atonomus Rijen bilong Bogenvil (ABG) i no wanbel long Tokorait em gavman bilong bipo aninit long leit Joseph Kabui i mekim long kamap bilong Bogenvil Risoses Developmen Korporesen (AROB) kampani.

Em i tok i gat planti paul toktok i stap long Tokorait bilong kamap bilong kampani.

Long dispela as bai gat wok painim na sas i kamap na rivi bilong dispela Tokorait.

Presiden John Momis i tok bipo long em i sanap long ileksen bilong presiden em wankain olsem ol arapela Bogenvil manmeri i wari long kamap bilong Tokorait.

"I gat planti askim i stap insait long dispela Tokorait na olsem mi bai askim long kisim tok orait na mekim wok painim i go insait long displea Tokorait.

"Long dispela mi tingting long givim ansa long planti bilong mipela ol Bogenvil husat i no save long kamap Bogenvil Developmen Risoses Korporesin.

"Mipela i gat tingting long kisim helpim long ausait long mekim dispela wok painim hariap," Mista Momis i tok.

Em i tok bikpela askim bilong em long Tokorait bilong 2008



KAMAPIM WOK PAINIM: Momis, Presiden bilong Atonomus Bogenvil Gavman.

long kamap bilong BEC we i soim olsem nogat wanpela gavman o kot bilong bihain taim bai pasim pawa bilong em.

Taim kain samting i kamap dispela i brukim lo bilong Bogenvil na lo bilong Papua Niugini.

"Olgeta taim mi wari long dispela long wanem kain toktok i brukim as tingting bilong kamap bilong ol lo.

"Long dispela taim mi mekim namba wan toktok bilong mi olsem presiden mi tok long nogat wanpela korapsin pasin i mas kamap.

"Olgeta minister, ilekted memba, opisa na investa i mas

kisim tok lukaut long dispela."

"Gavman bilong mi bai kamap wanpela inkuairi we bai mekim wok painim i go insait long olgeta paul pasin i kamap long Gavman bilong Bogenvil," Momis i tok.

Sampela ol bikpela tok i stap insait long AROB em:

AROB em foapela arapela kampani i papa long em;

AROB Equitis Ltd (15 pesen sea);

Bogenvil Veteran Holdings Ltd (9 pesen sea);

Bogenvil Painia Korporesin Ltd (8 pesen sea) na

Invisibal (plantu ol manmeri husat i papa long dispela we i gat 70 pesen sea).

KAMPANI bai mekim wok eksploresin na mekim wok maining long olgeta graun bilong Bogenvil long we em i painim;

KAMPANI bai invesmen long ol arapela wok olsem meltim gol na ase fesiliti, baiodisel, piseri, kau fam na ol arapela wok didiman;

KAMPANI kamapim K20 milion Tras Fan long lukautim Bod bilong Trasti, wok bilong akaunting na arapela wok na

KAMPANI i baim K5 milion i go long Bogenvil Veterans Holding Ltd



Mani paulim tingting bilong man

PRAIM Minista Se Michael Somare i tok long LNG proje i kamapim bikpela salens.

Dispela em i no abrus.

Na em i min long kantri i mas gat saveman bipo long em i kamapim kain projek .

Tasol sori tru olsem Se Michael i no save olsem bai gat hevi bilong papagraun tu.

Na dispela em ol bikpela hevi.

Kain hevi i kamap ples klia long las wik Fraide we ol papagraun long Moran ges i sut long kan long lidaman bilong ol long Mosbi Jacksons Ples Balus olsem yu ken lukim long poto.

Na taim ol i no inap ol i sut long ol manmeri nating.

Bipo komanda bilong PNG ami Meja Jenerel Jerry Singirok i tokaut pinis long kain hevi long kamap.

KIKSTATIM DEI WANTAIM



PNG mas lain long Momis: Matiabe

Paul Zuvani i raitim

I GAT planti gutpela samting gavman bilong Papua Niugini i ken lainim long gavman bilong Bogenvil.

Dispela em long wanem wanpela gutpela man nau i kamap hetman bilong gavman bilong Bogenvil.

Dispela i tok bilong olpela Membra bilong Palamen bilong Tari Pori Se Matiabe Yuwi long taim em i tok amamas long win bilong John Momis long winim ileksen bilong Presiden bilong Atonomus Gavman bilong

Bogenvil.

"Momis i wanpela saveman bilong kamapim Mama Lo bilong Papua Niugini na i siaman bilong komiti we i kamapim Mama Lo."

"Em i gat gutpela tingting long ronim gavman na olsem sapos Gavman i sot long ol tingting em i ken oltaim lainim dispela long Momis."

"Em i stap embe-sada bilong Saina na nau em i kam bek na winim ileksen. Mi amamas long win bilong em," Se Matiabe i tok.

Em i tok Prais Minista Se Michael So-

mare i wankain olsem Momis tasol planti manmeri i wok long paulim tingting bilong Se Michael.

Sapos ol i larim em Se Michael bai kamapim ol gutpela lo na ronim gut gavman.

"Ol manmeri bilong Is Sepik i luksave long tingting bilong Se Michael na olsem oltaim ol i votim em i kambek long Palamen."

"Ol dispela giaman saveman i mekim na maski kantri i laik kamap gut tasol bai nogat."

"Mani bai oltaim i go aut. Ol manmeri bilong

narapela kantri bai kam insait long kisim gol, kopa, wel na ges na mipela bai lus."

"Paul pasin i wok long go bikpela yet na sindaun bilong ol manmeri i no gutpela."

"Ol liklik han rot, haus sik na skul we i bin stap na i bagarap o pundaun pinis," Se Matiabe i tok.

Em i tok sapos Se Michael i no stap i moa gutpela wan wan ol provins i mas kisim Atonomus Gavman.

Long dispela as mipela i ken save wanem provins i ron gut.

Komyuniti Dipatmen i go fowet wantaim ICT



KATIM: Komyuniti Developmen Minista, Dame Carol Kidu i katim riben long opim ICT masin na intanet teknoloji netwok long dipatmen bilong em taim Sekreteri Joseph Klapat i lukluk i stap.

Veronica Hatutasi i raitim

DIPATMEN bilong Komyuniti Developmen (DFCD) em i wanpela gavman dipatmen i wok long mekim gut long planti samting na i go pas lain long planti ol narapela gavman dipatmen.

Long las wik, dipatmen i bin lonsim ol Infomesen na Komyunikesen Teknoloji (ICT) masin na ol intanet netwok bilong em insait long wanpela seremoni we Minista bilong Komyuniti Developmen yet, Dame Carol Kidu na Sekreteri bilong em, Joseph Klapat i bin go pas long em.

Lonsing bilong ICT long Komyuniti Developmen Dipatmen i bikpela samting long wanem, em bai kisim dipatmen i go wanpela step fowet long wok bilong em na long karimaut ol wok bisnis bilong em tu.

Sekreteri Klapat i bin tok dipatmen i bin tro-moim bikpela mani olsem moa long wan milion manimak na wetim moa long 12-pela mun

long dispela ICT long kamap, tasol em bai kamapim gut wok na bisnis eria bilong dipatmen.

"Mi bilip olsem strongpela level bilong ICT bai kamapim gut wok bilong dipatmen. Dispela em i bikpela invesmen long dipatmen bai promotim na senisim tingting long we dipatmen i save kari-amut ol wok bilong em.

"Aninit long dispela, olgeta samting bai kam aninit long ICT sekta na em bai menesim ma sapatim ol ICT masin na netwok samting insait long dipatmen na serim infomesen na tu, inapim ol bisnis risos rikwaiamen," Mista Klapat i tok.

Nupela ICT masin bai givim ol sevis olsem Lokol Eria Netwok insait long dipatmen i konek na serim ol risos olsem printing, intanet long konek wantaim ausait wol long kisim infomesen, intranet long serim infomesen insait, seva long storim na painim bek infomesen i lus na sistem risos menesmen, telepon sistem menesmen na helpim desk.

Mista Klapat i tok di-

patmen nau i ken toktok moa gut nau wantaim ausait wol, gat ol nupela na gutpela polisi insait bai lukim olsem gutpela sekyuriti i stap olgeta taim, wok i ron gut na i no stop na infomesen i ron olgeta taim.

Long wankain taim, Dame Carol i tok long tude, ICT em i bikpela samting long wol yumi stap long en tude na PNG em i hap long wol komyuniti i mas stap long wankain level wantaim teknoloji bilong tude.

Em i tok plen bilong gavman long neks 5-10 yia i kam em long olgeta gavman dipatmen long gat sentral ICT sistem we ol nai serim infomesen na inapim ol narapela bisnis risos rikwaiamen.

"Dispela em ol sam-pela rot we gavman i kisim long kamap long Visen 2050 long PNG i mas smat, gat gutpela save, helti na sosaiti i mas stap amamas. Mi amamas long tokaut olsem Komyuniti Developmen Dipatmen i wok long bihainim raitpela rot," Dame Carol i tok.

Meri grup i redi

Timon Henry i raitim

OL meri grup bilong Hulua-Beneria insait long Komo Magarima i redi long wok bung wantaim ol gavman, sios na komyuniti lida long stretim gutpela sindaun bilong ol meri long bihain taim.

Siameri bilong ol meri insait long Hulua-Beneria Mary Kaliwa i tok i gat bikpela senis i wok long kamap insait long liklik kaunsol wod eria we memba bilong Komo/Magarima Francis Potabe i wok bung wantaim ol meri insait long distrik bilong em.

Misis Kaliwa i tok bipo ol meri i no save larim ol long mekim wok bung wantaim, tasol nau i gat bikpela senis tru.

Wanpela siameri tu bilong Tari Wimens Asosiesen, Jacinta Hayabe i tok nau em i taim bilong ol politisen, na gavman long givim sans long ol meri bilong Papua Niugini long ranim kantri.

Mis Hayabe i tok "mipela ol meri i gat rait long kisim save na stap insait na mekim sampela disisen long ol kainkain toktok we i kamap long dispela taim.

Mista Potape i tok insait long lidasip na etministresen bilong em, i gat rum bilong ol meri we em i gat bikpela baset.

Na em i redi long rolim aut long ol wanwan lokel level gavman eria. Olsem na olgeta meri i mas wok bung wantaim emi na long ol LNG projek tu.



We keep it flowing

National Water Supply and Sewerage Act 1986

MATERIALS, EQUIPMENT AND WORKMANSHIP STANDARDS FOR APPLICATION TO WATER SUPPLY AND SEWERAGE IN PAPUA NEW GUINEA

The Papua New Guinea Waterboard is established by the *National Water Supply and Sewerage Act, 1986* with following functions among others under Clause 5:

a) Exercise control over persons or organizations providing water supply and sanitation services or services relating to water supply and sanitation.

b) Set Standards for materials workmanship and equipment.

PNG Waterboard wishes to advise all the Consultants, Contractors, Suppliers, and providers of private water supply and sanitation services and food and drink processors/producers the requirements for compliance to Standards for application to water supply and sanitation and services related to water supply and sanitation.

All private operators of water supply and sewerage services are required to be licensed to operate.

The PNG Waterboard has adopted Standards for application to water supply and sewerage, PNG Standards adopted from international standards by National Institute of Standards and Industrial Technology (NISIT). These include relevant Australia-New Zealand Standards (ANZS) and International Standards Organisation (ISO) for materials and workmanship for water supply and sewerage applications.

Please contact NISIT or the PNGWB for more information.

• NISIT – Tel.:323 1852, Fax 325 8793 or Email: pngnisit@nisit.gov.pg

• PNGWB – Tel.:323 5700 or Fax: 325 8939 or Email: amark@pngwater.com.pg

Authorised By:

Mr Amo Mark

ACTING MANAGING DIRECTOR

Bisnis bilong PNG Gavman olsem musik bokis bilong klab

Sapos yu win na stap long fran, lusim resis. Dispela kain tingting em planti lain i save pilai laki i save bihainim. I mobeta long lusim pilai taim yu wokim bikipela mani, na noken go tumas. Sapos yu win i go longpela taim tumas, bai gat planti askim. I mobeta long yu kisim gut lak na lak nogut wantaim. Taim laki i kam gut tumas, em bai olgeta samting i bagarap. Sampela taim, Ledi Lak i save givim, na sampela taim, em save les long givim tumas long wanpela tasol.

Dispela hap tok antap, em ol i no tingim Praim Minista bilong Papua Niugini, Se Michael Thomas Somare, na ol i raitim. Nogat.

Dispela hap tok em wanpela saveman bilong ol pater Jesuit, nem bilong en Pater Baltasar Grecian i bin raitim 400 yia i go pinis long wanpela buk bilong en.

Tasol nau taim yumi raitim, bai yu ken ting olsem em i bin raitim bilong Praim Minista Se Michael Somare.

Yumi gat wanpela gavman sistem long PNG ol i kolim Westminster sistem, we hetman bilong gavman i mas karim olgeta asua bilong gavman bilong en.

Taim Se Michael i sekim Dokta Allan Marat, em i bin tokaut long EMTV nius olsem long Westminster sistem bilong gavman, strongpela kabinet i mas stap, na taim minista i go aut long pablik na tok askim wanpela disisen bilong kabinet, em nau, em yet olsem PM i mas mekim samting long strongim bek dispela strong bilong kabinet.

Olsem na Praim Minista i belhat tru na tokim Marat olsem em i no inap long sindaun long wanpela gavman kokas miting, maski Dokta Marat i bin kabinet minista yet na bosim Jastis ministri.

Wankain tasol, Se Michael i mas karim hevi bilong olgeta birua dispela gavman i mekim pinis bihain long em i winim opis. Namba wan bikipela hevi ol i givim pipel bilong dispela kantri em taim gavman i senisim Mama Lo, na em i no askim pipel na kirapim gutpela tok pait long en taim ol i abrusim Lidasip Koud na Malad-



ina i katim na senisim Seksen 27, 28 na 29 bilong Mama Lo. Olsem na ol bikipela pawa bilong Ombudsman Komisin i lus. Nau Komisin em i olsem pato i nogat lek na nau em i sindaun na krai tasol. Tasol ol memba i no moa harim taim ol i slip. lau bilong ol i pas pinis na ol i driman long mani ol i wok kisim.

Mipela i tok pinis long dispela kolum, na nau mipela i tok gen, olsem dispela ol amenmen long Ogenik Lo long ol Duti na Risponsibiliti bilong ol Lida em i wanpela liklik hap tasol long olgeta senis Maladina na ol wanwok bilong em i mekim long slekim ol pawa na strong bilong Komisin.

Long luksave bilong mipela, Maladina i mekim pinis na palamen i oraitim.

Nau yumi mas tokim palamen long go bek na sekim dispela gen, bai ol bikipela pawa bilong Komisin i go bek long en. Na palamen i mas rausim ol dispela ol amenmen long dispela Ogenik Lo. Sapos yumi nap long senisim bek ol dispela senis, bai yumi orait. Nau yet, yumi no sindaun gut. Yumi mas lukim wok stret i kamap, na noken harim mauswara bilong ol politisen olsem ol bai kisim tingting bilong yumi. Em bai nogat tru.

Hevi nau i stap long kantri em, i nogat moa ol lo na sistem bilong stiaim wok bilong gavman. Ol pas i go long gavman dipatmen, bai nogat bekim. Ol telepon bai ring i go na nogat man bai ansa, na sapos yu yet yu go long opis bilong ol, bai ol i tokim yu olsem man o meri yu go long lukim i no kam long wok. Wanem kain sistem yumi bin kisim long ol Australia, nau i no wok gut moa.

Dispela wanpela gavman tasol i kamapim kain kain ol plen bilong strongim ekonomi bilong kantri. Sampela bikipela em Nesenel Agrikalsarel Developmen Plen (NADP), Midium Tem Developmen Strateji, Milenium Developmen

Plen, na ol arapela.

Wanpela mipela i kamapim ovanait em Grin Revolusen we mipela i mas karim ol kopi bin long Tapini na Kokoda i go daun long Pot Mosbi antap long Difens Fos Arava balus.

Tasol bihain long ol i kamapim dispela plen, na ol kain kain presentesen na pati i kamap, mipela i no harim wanpela samting long dispela plen.

Wanpela kago tasol mipela i karim wantaim dispela Arava balus em Moti taim em i hait na ronawe i go long Solomon Ailans.

I gat planti kabinet sabmisen nau i stap long kisim mani long gavman bikos ileksen i kam klostu. Wanpela em wanpela sabmisen i kam long Peter O'Neill bilong mekim ol haus bilong pablik servis we ol i makim K50 milian na suvim long wanpela benk akaun long Benk Saut Pasifik. Dispela K50 milian i stap yet o em i lus pinis?

Na olsem wanem long haus bilong ol polis we bikipela hap mani tu i go long en? Yumi lukluk long Godens Polis Bareks we ol polisman bilong yumi i stap na slip long en. Dispela ol bareks i bagarap olgeta na wara na wara pekpek i wok sut i kamaut long ol paip na sampela taim i save go long rot hapsait long Godens Sekenderi skul.

Sapos yu lukluk gut long Godens Bareks, bai yu lukim ol polisman na ol famili bilong ol i lusim ol haus pinis na sanapim ol liklik tin haus sel. Sampela i slip long ol dispela haus sel.

Mipela i askim Polis Komisina Gary Baki na minista bilong em i mas go long raun na lukim Godens Polis Bareks na stretim kwik.

Nau yumi go bek long wok bilong stiaim kantri. Wanpela samting i klia nau em wan wan gavman dipatmen o opis i mekim wok long laik bilong em yet. Em i save askim long mani long mekim wok bilong em, tasol i no save bihainim wanpela bikipela nesenel plen. Ol skin kirap minista olsem Polye na Kapris i gat ol wokplen bilong ol na ol i save kisim mani long kirapim, na ol arapela minista i save raun raun long Mosbi insait long ol bikipela dak glas lenkrusa.

Wanpela ol hevi long ol dispela biknem plen bilong sosol na ekonomik developmen em ol lain i save mekim i nogat inap save long sindaun i stap long ples stret. Plening em ol i mekim long antap, na ol i nogat luksave long sindaun tru i stap.

Kain ol plen olsem Midium Tem Developmen Strateji, em i plen nating. Ol lain husat i raitim dispela plen, ating i no save gut long tok inglis tu ya. I pulap long ol kain kain bikipela toktok tasol.

Mekim plen bilong lukautim 6 milian pipel i no wanpela bikipela wok. Planti long ol i stap long ol rural eria. Ol besik sevises long givim em ol viles klinik o helt senta, ol skul, gutpela rot, ol rural polis stesen na wanpela gutpela kot sistem long viles kot i go long lokol na distrik kot na moa yet, ol graun kot. Mipela i bin gat olgeta dispela ol samting stap bipo, tasol mipela i no kamapim wanpela

gutpela administretiv sistem long lukautim ol gut. Mipela i save sanapim, na bihain long 9 mun, olgeta sistem bruk daun. I klia yumi no save long lukautim gut ol wok samting.

Nau yet gavman i brukdaun na pablik administresen i no ron moa. Mipela i lusim politikal strong long strongim gutpela gavman na mekim gutpela disisen na gutpela sindaun bilong pipel. Samting i save holim strong ples olsem Ingran, Amerika na Australia em lo i stap na ol sek na balens long strongim gavman na pablik sevis.

Dispela pablik servis bilong yumi i olsem wanpela haus bilong ol lapun bikos ol minista na ol lain bilong em i wok long suvim het long olgeta de wok bilong administresen bilong dipatmen.

Long dispela kantri, ol lo em ol i senisim pinis lo bilong bus we lo bilong stap long strong bilong wan wan i stap. Em nau, olgeta manmeri

long ples i nogat moa gutpela besik sevises bilong stap gut.

Ol dispela lain long ples nau i wok long brum i go long Pot Mosbi na Lae na ol arapela taun na siti.

Ol memba bilong yumi tu i lusim pnis ol distrik bilong ol na stap sindaun long ol hotel long Pot Mosbi. Wanpela gutpela piksa long dispela em Galp provin-sel gavman.

Na nogut true m bisnis bilong gavman bilong yumi i save wok olsem wanpela musik bokis bilong wanpela klab. Sapos yu laikim musik bokis long pilaim musik, yu mas suvim 20 toea i go insait na presim baten, na musik bai kamaut.

Gavman tude aninit long Nesenel Alaiens i olsem.

Sapos yu gat mani, bai yu ken lukim masin bilong gavman i wok strong long helpim yu. Sapos yu nogat mani, bai yu no inap lukim wok bisnis bilong gavman.

Dispela gavman em i gavman bilong ol mani-

manmeri tasol. I luk olsem Nesenel Alaiens pati i wok long pulim tumas dispela tingting bilong yusa pe polisi.

Las tru, mipela i staitim dispela kolum wantaim liklik stia tok i kam long wanpela lapun Jesuit pater. I mobeta yumi pasim wantaim liklik moa stia tok bilong em, olsem:-

"Noken kamap olsem san i go daun.

I mobeta long lusim ol samting pastaim long ol i lusim yu. Yu mas lusim na win taim em i orait yet. Sampela taim, san yet i save hait baksait long klaut bai nogat man i lukim pundaun bilong em. Em nau yumi save wari sapos em i go daun pinis o nogat. Noken stap na lukim san i go daun, bai yu noken wari. Noken wetim ol arapela i tanim baksait long yu. Ol man i gat gutpela tingting i save long lusim gutpela taim, na i no long wetim i go inap gutpela taim i pinis."

HIGH PERFORMANCE FOOTWEAR



MUDUCK 5" LACE UP SUEDE LEATHER



EXPLORER 8" LACE UP BROWN KIP LEATHER



BULLDOG

benchmark
PRODUCT CERTIFICATION

- ✓ DUAL DENSITY POLYURETHANE RUBBER SOLE FOR EXTRA COMFORT AND INCREASED WEAR
- ✓ LIGHTWEIGHT
- ✓ PORON INNER SOLES FOR EXCEPTIONAL COMFORT
- ✓ WIDE STEEL TOE CAPS
- ✓ FULL LENGTH TONGUE
- ✓ CERTIFIED TO AS/NZ 2210.3
- ✓ OIL & HEAT RESISTANT SOLE
- ✓ PADDED COLLARS



BISHOP BROTHERS

everything for industry...

EMAIL: sales@bishoptros.com.pg WEBSITE: www.bishoptros.com.pg

Business of government in PNG like a jute box in a tavern

- Quit while you're ahead. All the best gamblers do. A fine retreat matters as much as a stylish attack. As soon as they are enough - even when they are many - cash in your deeds. A long run of good fortune is always suspicious. You're safer when good luck alternates with bad, and, besides, that makes for bittersweet enjoyment. When luck comes racing in on us, it is more likely to slip and smash everything to pieces. Sometimes, Lady Luck compensates us, trading intensity for duration. She grows tired when she has to carry someone on her back for a long time."

The above was not written with the Prime Minister of Papua New Guinea, Sir Michael Thomas Somare in mind.

It was written some 400 years ago in Spain by a Jesuit scholar, a Father Baltasar Grecian in his Pocket Oracle, "The Art of Worldly Wisdom", Doubleday (1992).

However, reading it now, you could be mistaken to think that it was meant for the Prime Minister Sir Michael Somare.

We have a system of government in PNG called the Westminster system, where the head of a government must accept responsibility for the collective wrongs of a government of the day. When Sir Michael sacked Dr. Allan Marat, he said it on the EM TV evening news, that in a Westminster system of government, like that which we have here in PNG, Cabinet solidarity is a must and where a minister goes public and questions a cabinet decision, then he as the PM must take appropriate action to protect that principle of cabinet solidarity.

Thus, Allan Marat was told by an angry Prime Minister that he could not sit in on a government caucus meeting for that morning even though Dr. Marat was at that point in time, still a cabinet minister holding the Justice portfolio.

In the like manner, Sir Michael must accept responsibility for all the wrong things that this government has done since coming into power. The biggest assault on the people of this country is the manner in which the government has gone about to amend the National Constitution. Overnight and without consultation with the people and a decent parliamentary debate, we saw the Leadership Code thrown out the window after Maladina did a cut and paste job with Sections 27, 28 and 29 of the Constitution. Thus, with the original powers of the Ombudsman Commission gone, the Commission is now like a



lame duck and all it is capable of doing right now is to croak, 'quack, quack' all night, but the honourable members of parliament can no longer be disturbed from their slumber, content with the business takings for that day.

We have said it in this column and we repeat here that the proposed amendments to the Organic Law on Duties and Responsibilities of Leaders is only a minor portion or an incidental aspect of the total amendment package proposed by Maladina and his colleagues to water down and render obsolete, the powers of the Commission.

These are mostly procedural aspects of the Leadership Code. Thus, in our view, Maladina had already accomplished what he had set out to do with parliament having passed the constitutional amendments.

What we ought to do now is to get the parliament to revisit the issue and that way, have the original powers of the Commission restored and further, the parliament must withdraw the proposed amendments to the above named Organic Law. If we can achieve this end, then we can say we have returned to the status quo. Right now, we are neither here nor there; we are everywhere, but nowhere near our target. We must focus on concrete achievement and not be content with promises by these politicians that they will take time to consider our views.

The problem we are now faced with in this country, is that there are no longer any rules and procedures to govern the conduct of government business. Letters sent to government departments do not get answered; telephones will ring until the line is engaged; and any personal visits to the department is a flop, because you will be told that the person to answer your query did not come to work for the day. Whatever system we adopted from the Australians simply does not work anymore.

This government alone has produced and launched a number of plans or strategies for social and economic development in the country. To name a few, the National Agricultural Development Plan (NADP), the Medium Term

Development Strategy, the Millennium Development Plan and the like.

Overnight we even dreamt up one called, the Green Revolution where we were supposed to ferry coffee beans down from Tapini and Kokoda down to Port Moresby by the Defence Force and their Arava aircraft.

However, beyond the formulation, the presentation and the cocktail parties that followed, we hear nothing of the so many plans that we have come up with over the years.

The only cargo we ever ferried with our Arava Craft was Moti to the Solomons and not coffee beans from Tapini or Kokoda to Port Moresby.

There are far too many cabinet submissions now being considered for funding by the government especially now that the election fever is heating up. Let us take the cabinet submission by Peter O'Neill for public service housing for which K50 million was set aside and placed in a bank account with the Bank of South Pacific. Is that K50 million still sitting in BSP, or has it disappeared? And what about the police housing for which we heard another hefty sum was allocated? Take a look at the Gordons Police Barracks where our policemen live and work. It is a totally run down barracks with water and sewerage gushing out and at times onto the street across from the Gordons Secondary School.

If you look closely when you drive past the school, you will notice that the policemen and their families have vacated the dilapidated houses and have set up little sheds made of canvas and rusty pieces of iron sheets around the yard and some of them are actually living in these tin sheds. We suggest that the Police Commissioner, Gary Baki and his police minister should take a day off to visit the Gordons Police Barracks and do something about it.

Now getting back to the manner in which this country is being run, one thing that is very obvious is that each government department does its own piece of action, or gets a slice of the national cake, unfortunately not as part of a coordinated and comprehensive action-based national plan approved by the government. The active ministers like Don Polye and Gabriel Kapris get their own work plans approved and funds are allocated, while the rest of the ministers spend their time in limbo driving around Port Moresby in heavily tinted land cruisers.

One of our main problems with all these high sounding plans for

social and economic development in this country is that the plans are formulated solely as a paper exercise by people who have very little knowledge of what is happening on the ground. Planning, if formulated for its conceptual value, is basically a statement of policy, but where planning is action-based, then the major characteristic of the plan will be the various projects designed for implementation with certain objectives in mind. Anything in the nature of what this government gave us as the Medium Term Development Strategy is plain hotchpotch. The people who wrote this so called 'strategy' cannot even speak English.

It is all mumbo-jumbo with high sounding phrases which mean nothing of essence but words and plenty of words.

It cannot be such a mammoth task to plan for six million people, most of whom live in the rural areas. The basic services to provide are village clinics or health centres, schools, good all weather roads, rural police stations and a workable court system from the village court to the local and the district courts and in particular the land courts. We had these systems set up in the past, but we never devised an effective administrative system to keep these institutions functioning. We set them up and after 6 to 9 months the system comes to a halt and becomes non-functioning for various reasons. Obviously, we have never heard of an effective administrative system which is functioning and self sustaining as an administrative unit within the whole umbrella of government institutions.

Right now the entire institution of government has collapsed and machinery of public administration has come to a standstill. We have lost the political will to maintain a responsible government to make good decisions for the wellbeing of the people. What holds the system in place in a country like England, America and Australia is the rule of law characterized by the notion of fair play under an impartial setting where there are established rules and procedures in place with inbuilt checks and balances to keep the institution of government alive and the machinery of public administration functioning. The entire public service we have is like one big retirement home for our civil servants because the minister and his associates are now interfering into the day to day administration of each Department or statutory corporation.

In this country the rule of law (under which everyone has a

chance to survive under a fair system of government) has been replaced by the rule of the jungle where the governing principle is "survival of the fittest". The effect of this is that the bulk of the population which is rural and land-based are deprived of the basic services for survival. These people are now flooding into Port Moresby and Lae and all the major towns and cities. Even our members of parliament have left their own districts and towns and have taken up residence in hotels in and around Port Moresby. One classic example is the Gulf Provincial Government.

And the worst part of it all is that the business of government in this country operates like a jute box in a tavern or a saloon bar. In order to get the jute box to play your personal selection of music, you have to slot in a 20t coin and then press a button and the jute box comes alive playing your music.

The present government in PNG under the National Alliance Party operates under the same principle as the jute box.

If you have the money, then you can get the machinery of government to spin into action to dance to your tune, whereas, if you do not have the money then you cannot partake in the business of government, just like you cannot play that jute box.

This government is only for the people with money, and plenty of it. It looks as if the National Alliance Party has stretched the user-pay policy a little too far and totally out of context.

Finally, we started this column with advice from a good old Jesuit priest 400 years ago, so it is fitting that we close with one more piece of worldly advice from him, thus:-

"No. 111 - DON'T BE A SETTING SUN.

It is a maxim of prudent people to abandon things before being abandoned by them. You should make even your end into a triumph. At times the sun itself retires behind a cloud so that no one will see it fall, and it leaves us wondering whether it has set or not. Avoid sunsets so as not to burst with misfortune. Don't wait for people to turn their shoulders on you: they will bury you alive to your regret, dead or renown. The prudent knows when to retire a race horse, and do not wait for him to collapse in the middle of the race, to the laughter of all. Let Beauty shatter the mirror cleverly, at the right time, and not to late when she cannot bear the truth."

2010 Operen Open Hat i ron gut ... / pinis tude

OPERESEN Open Hat (OOH) bilong dispela yia i bin kamap insait long las tupela wik i go gut tasol wantaim 51 pipel i gat sik long lewa i kisim helpim.

Mak long ol pikinini i kisim operesen em 36 taim 15-pela em ol bikipela man-meri.

Olsem long olgeta yia, OOH i yusim Wod 7 na Intensiv Kea Yunit (ICU) long putim ol lain i kisim operesen long stap na kamap orait.

Stat yet long las wik Fraide, Jun 30m 26 lain i gat sik long lewa i bin kisim "Closed Heart" operesen. Ol PNG dokta na nes yet i bin karimaut ol dispela na planti bilong ol em ol pikinini.

Ol PNG dokta na nes tim i wok wantaim ol OOH tim bilong Australia insait long 17 yia nau i kisim pinis save long

karimaut operesen na olsem, ol i wokim ol dispela we ol i kolim long "Closed Heart". Dispela kain operesen em ol i save karimaut taim ol i stopim lewa bilong man long wok. Narapela em "Open Heart" em i hat moa bikos ol i wokim taim lewa i wok. Long dispela "Open Heart" operesen, ol dokta bilong Australia i wok wantaim ol PNG dokta long karimaut.

Mak long ol dokta na nes i kam long Australia long karimaut OOH em 53. Dispela em ol voluntia dokta na nes husat i yusim mani na taim na laik bilong ol long helpim ol pikinini na pipel bilong PNG i gat sik long lewa long givim ol narapela sans long stap laip. Ol i kam long ol haus sik long Alice Springs, Nu Kasel (Bew Castle), Brisben (Brisbane) na Sidni (Sydney). Planti bilong ol i wok long i go

na i kam long OOH long planti yia nau.

Stat yet long yia 2002, gavman bilong Australia aninit long AusAID program i save givim \$AU100,000 long sapotim OOH. OOH komiti long PNG i save karimaut ol fan resing bilong kamapim mani long helpim OOH i ron gut. Na bilong baim ol ples long ol dokta na nes bilong slip long en, kaikai na tu, baim ol sampela masin na ol marasin bilong yusim long karimaut ol OOH operesen.

Bai gat tok tenkyu na gutbai kaikai long Gren Pales antap long EH Haipamat supamaketa tunait long ol dokta na nes bilong Australia na ol wanwok bilong ol long PNG we OOH komiti long PNG i redim. Na bihain olgeta wok i pinis, ol lain bilong Australia bai go bek long kantri bilong ol long dispela Sande.

Paia i kukim speselis kos i kamap gut

WANPELA wik kos long sait bilong lukautim na givim marasin long ol lain i kisim birua na sik long paia i kukim ol i bin givim sans trening, menesmen na skruim save long ol PNG dokta na nes i bin sindaun long dispela kos long Madang.

Long dispela wik, ol dokta na nes i bin kam long olgeta hap bilong PNG i bin kisim trening long ol speselis dokta i kam long Intaplast Australia na Nu Silan (New Zealand) long kautim ol lain paia o hatwara, hatpela wel (oil) pawa o kilaut i pairap i kukim ol.

Bos bilong Sejeri long Modilon Haus sik long Madang, Dokta John Maihua, i bin tok welkam long ol Intaplast dokta bilong Australia na Nu Silan.

Dokta Maihua i amamas long wanem maski kos i hatpela na i karamapim nupela eria, ol PNG dokta sindaun long kos i kisim gut skul na 95 pesen i bin wokim gut tru long ol tes ol bin wokim long taim bilong kos.

Dokta Maihua i tok sik long paia i kukim i wok long go bikipela long PNG na Intaplast Australia na Nu Silan i lukim olsem PNG i gat nit long speselis tritmen long dispela eria na moa yet long ol rurel haus sik na hent senta.

Chris Parker yunit menesa bilong nening long Burns yunit long Concorde Haus sik long Sidni Australia i bin kodinetim dispela wanpela wik woksop wantaim helpim bilong Sister Stephanie Damong bilong Angau Memoriel Haus sik long Lae, Morobe provins.

Stat yet long yia 2008, ol Intaplast paia i kukim speselis dokta i wok long kam long PNG long givim trening long ol dokta bilong yumi.



SEKIM NA GIVIM MARASIN:
Wanpela PNGDF medikel woklain i sekim pikinini na mama na tokim em long skel bilong marasin bilong givim long bebi bilong em.
Poto: Australia Hai Komisin Midia

PNG na Australia ami medikel patrol i helpim ol komyuniti long Is Sepik

MOA long 560 ples lain bilong Iowa Sepik Wara i kisim helpim bilong ol ami dokta lain bilong PNG na Australia.

Long dispela wik, wanpela medikal patrol grup i gat long em 20 sumatin we 17 i kam long namba 2 Batalion bilong 2RPIR long Moem Bareks Medikal Senta long Wewak na tripela i kam long Taurama Bareks medikal Senta i karimaut wok patrol insait long ol ples na komyuniti long not kos bilong Is Sepik na givim sevis bilong ol. Em long ol ples olsem Balim, Kauk na Lowan i go olgeta long wes kos bilong Wewak. Dispela medikal patrol grup i wok long sekim ol manmeri na pikinini long sik, givim marasin na kisim ol ripot long ol komyuniti na ples.

Dispela patrol i go long Is Sepik em i namba tri grup i wokim bihain ol i

pinisim wanpela medikal kos long las yia. Olsem na stat yet kos i bin kirap long las yia, stripela patrol grup i lukim na givim marasin long 1,275 pipel long Is Sepik na Sentrel provins.

Warant Opisa Mal Woods i tok ol dispela patrol em ol gutpela sans bilong kisim fil trening long ol PNG Difens Fos kombet medikel lain. Em i tok long wankain taim, ol i save helpim gut ol ples lain na komyuniti i gat sik tasol i stap longwe long ol haus sik na helt senta.

Ol i sekim, lukim na givim marasin i go long 560 ples lain long ol sik olsem malaria, kain kus na sik long bros, sik long skin, ataraitis o rop bilong man i tait na i pen na ol kain sik olsem. Australia i givim ol marasin we pe bilong ol inap long K15,000 long karimaut dispela program.



Pornography = Ol Piksa Nogut

WANPELA manki i bin baim sekenhan mobile telepon. Narapela man i bin yusim bipo tasol em i no rausim ol samting bilong em long telepon. Sampela ol nem na pon (phone)namba na piksa i stap yet. Manki i baim pon bikos prais em gutpela na i gat kamera na vidio long en. Em baim, tasol em i no save long we bilong wokim na em i askim bikipela brata bilong em long skulim em long ol program i stap long pon.

Man i opim pon na i wok i go insait ol program. Em i kamap long hap we i gat ol piksa samting na em i painim wanpela muvi, bai yumi kolim "Sunrise". Dispela muvi "Sunrise", ol i bin wokim hia long PNG na ol man na meri i stap insait em bilong ples tasol. Man i lukim muvi em i kirap nogut nau. Em i singautim sampela ol pren bilong em, ol boi na gel long kam lukim. Ol i lukim na sampela i lap, sampela i sem na sampela i laik traut. "Sunrise" em wanpela doti-muvi ol i kolim "pornography". Ol i wokim hia long PNG na ol lain i wokim na stap insait long muvi em PNG tasol. Movi i soim ol meri i as-nating na pamuk long kain kain we wantaim sampela man. Yangpela i lukim muvi i tok, "animals"! Piksa i nogut olgeta. Mi askim ol long lukim muvi. Ol i tok, "Nogat, Pater! Bai mipela i sem sapos yu lukim dispela kain piksa. i no samting bilong Kristen man o meri." Na manki i baim pon em ol i tambuim em tu long lukim.

Orait, ol i skelim muvi gen na ol i lukluk strong long ol pes i stap. I no longtaim na ol i kolim nem bilong tripela. Ol i save gut long tupela. Wanpela em yangpela meri krismas olsem 18 na narapela em 26. Meri 26 em i bin holim wok i gat namba insait long wanpela bikipela kampani. Em meri i laik raun wantaim ol "expat" o waitskin man. Watpo em i go wokim dispela kain piksa na spolim nem bilong em yet?

Mipela i stori long dispela na mipela i kalap long kar na sampela i sindaun baksait long kar. Mipela i kamap long wanpela supamaketa na ol i lukim dispela meri i stap long muvi i lusim supamaketa na wokabaut i kam. Ol i singaut wantaim. "Sunrise! Sunrise! Meri i harim na i karamapim pes bilong em, tanim hariap na ronawe i go bek insait long supamaketa gen. Em sem nau! Em sem nogut tru!

Bodi bilong yumi em samting i holi. Na wok yumi mekim insait long bodi i mas gutpela, tru na holi. Ol pikinini i nogat sem na ol inap raun as nating. Long taim ol i winim 6-pela krismas samting, senis i kamap na ol i stat long karamapim sem bilong ol. I gat taim bilong rausim klos long hap olsem long singsing o waswas o long kisim marasin samting. Yu no rausim klos olgeta na sampela i lukim sem bilong yu long taim love- tru i stap. Olsem yu go marit na serim laip wantaim poro bilong yu, o insait long famili laip. O yu sik na man o meri i wok long lukautim yu. I no kastam bilong yumi bilong rausim ol klos nating!

Wokim ol piksa nogut (poronography) long PNG em bikipela wok bisnis nau. Na planti ol narapela wankain pasin i stap. Planti ol nait-klab i gat man na meri i rausim klos (striptease) na seks-wok i kamap bikipela. Na salim piksa nogut (naked) long mobail pon na ol poto na buk nogut.

Askim em, ol dispela pasin i gutpela o nogut? Dispela samting i helpim man long rispektim ol meri o nogat? Dispela samting i helpim man long sindaun gut na tru insait long marit laip o nogat? Ol meri i gat wanem ting long dispela? Neks wik bai mi bekim ol dispela askim.

Komyuniti Lening Senta (CLCP) lainim ol pikinini long setelmen long gutpela sindaun

Veronica Hatutasi i raitim

OL Komyuniti Lening Senta Program (CLCP) i helpim tru ol pikinini na ol narapela lain insait long ol komyuniti na setelmen long kisim sans long skul na lainim long rit, rait, lainim gutpela pasin na mekim samting long helpim ol yet.

I kam inap nau, 38 CLCP insait long kantri we Dijisel Faundesen opis bilong bikpela mobail telepon kampani long kantri em i sponsaim wantaim mani na ol narapela helpim. Moa yet, Faundesen i helpim wantaim mani 11-pela praimeri skul na 16-pela elementeri skul klasrum na ol narapela skul biding projek, tripela Mobail Helt Senta, 4-pela Meri Seif Haus projek na 4-pela Famili Sapot Senta.

Long las wik Fonde, Dijisel Faundesen bosmeri Marina Van der Vlies na ol woklain i makim ol wan wan dipatmen wantaim Dijisel na ol niuslain i bin raun i go long tupela CLCP eria long lukim wok go het bilong ol senta. Tupela CLCP senta em long Mutinne Pri skul long 9 Mail na Tembari Pikinini Kea CLCP long ATS ausait tasol long Mosbi siti.

Long mekim ol dispela CLCP i lukautim ol yet na skruim program i go long ol yia i kam, Dijisel Faundesen i bin statim CLCP Sas-tenebiliti Program na strongim ol woklain bilong Dijisel long kisim wanpela CLCP komyuniti long sapotim ol long painim ol rot long mekim samting ol yet na helpim ol yet. Na i no wetim helpim long kam o askim tumas long mani helpim. Aninit long dispela program, CLCP i kisim sit mani inap long K3,000.00 long Dijisel



MUTINNEO PRI SKUL RON GUT: CLCP priskul projek we tupela marit em (L-R) Gaume na Tirimo i statim i ron gut. *Poto: Veronica Hatutasi*



TEMBARE ATS CLCP SENTA: OL dispela ATS CLCP Tembare senta pikinini i wetim ol mama bilong ol husat i kukim kaikai bilong givim kaikai long ol pikinini i nogat papamama o i sot long kaikai program. *Poto: Veronica Hatutasi*

faundesen long statim projek we bai sapotim ol lon ol wok bilong ol.

Wokabaut i go long Mutinne Pri Skul na Tembari Pikinini Kea CLCP i soim long ol narapela komyuniti, sampela ol CLCP projek i wok gut. Long Mutinne Pri Skul, ol i gat pik na kakaruk projek we i ron gut. Skul i bin askim ol 90 sumatin bilong em long painim ol sponsa long 20 toea manimak long kamapim mani long statim kakaruk projek.

Papa bilong Mutinne Pri Skul em Tirimo Zakemo i tok amamas long ol narapela CLCP eria long ol setelmen i go lukim skul na ol projek bilong em. Em i tok ol i bin stat long liklik samting tasol ol i isi isi wok i kamap. Insait long tupela yia, bikpela samting na wok go het wantaim mani ol i mekim ol yet i kamap long pik na kakaruk projek we i helpim ol long lukautim na baim ol samting bilong skul ol pikinini na baim tupela tisa bilong ol. Olgeta i ken kamapim ol dispela samting, Mista Zakemo i tok.

Mista Zakemo i bin stori long rot we skul bin stat long en.

"Mi na meri bilong mi Gaume husat i wanpela tisa nau long Mutinne Pri skul, i bin Sande skul tisa long sios bilong mipela em Maun Zion Luteran Sios klostu tasol. Tasol mipela i lukim olsem planti pikinini i no save long rit na rait na mipela i kirap statim dispela priskul long helpim ol pikinini.

"Krimas bilong ol lain mipela i kisim long priskul em namel long 4 na 6 yia. Na skul i save ron long 5-pela de insait long wanpela wik, stat long 8 kilok moning na pinis long 11.30 long Mande inap long Fraide," Mista Zakemo

i tok.

Em i tok kakaruk na pik projek i helpim ol stret long ranim skul, baim ol skul metiriel na ol tisa. Tasol Dijisel Faundesen i save helpim ol tu wantaim ol metiriel samting bilong yusim long skulim ol pikinini.

Mista Zakemo i tok bikpela tingting em na meri bilong em i gat em long helpim ol pikinini i ron nating wantaim nogat skul bilong go long skul na kisim save na wok na ol i ken gat gutpela laip. Na helpim wantaim wok bilong go hetim famili, komyuniti na kantri.

Insait long tripela yia skul i ron, sampela i go aut pinis long ol komyuniti na praimeri skul pinis. Na tisa meri bilong em Gaume i tok em i amamas tru long lukim olsem ol pikinini we Mutinne i bin skulim ol i mekim gut tru long ol komyuniti na praimeri skul ol i go long ol.

Gutpela sapot bilong ol papamama na komyuniti i mekim skul i ron gut, tupela marit na papa bilong dispela projek i tok.

Tembari Pikinini Kea CLCP long ATS em i narapela senta we i ron gut bikos long gutpela menesmen, komyuniti na ausait sapot.

Dispela CLCP i bikpela moa na i gat tupela Mobail kontena i ranim skul na program i givim kaikai long ol setelmen pikinini i nogat papamama na ol dispela i sot long kaikai.

Hayward Sagembo husat i go pas long dispela CLCP senta, i tok ol pikinini i wok long senisim pasim taim ol i go long dispela skul na em i bilip olsem skul bilong em bai i kamap olsem wanpela rol modol i gutpela piksa.

Tripela UPNG sumatin long wanpela wik stadi kos long Japan

TRIPELA sumatin na wanpela tuta o tisa bilong Yuni-versiti bilong PNG (UPNG) i go pinis long Japan long dispela wik bilong stap insait long wanpela wik stadi skul bilong redi na menesim ol birua.

Stadi skul i kamap long Tokyo aninit long Disasta Provensem Koporesen program namel long Japan na ol lain kantri bilong Esia na Pasifik rijen.

Michaeline Charlie i wokim Et Saiens, Bolly Dou i wokim Baio Kemistri, Patricia Logha i wokim Envaironmen Saiens na tuta na kodineta bilong

senta bilong Disasta Ridak-sen em Laramei Aisi em ol lain i go long dispela stadi skul.

Bipo ol i lusim PNG, Mis Aisi i tok long spesel senis program bilong ol yangpela, ol bai go insait long ol klas na harim ol toktok, stadi na raun lukim ol eria we ol bikpela birua i save kamap long Japan.

"Long sait bilong mipela, bai mipela i toktok na autim long ples klia ol hevi na birua PNG i save bungimna kisim ol tingting long ol narapela we i ken helpim yumi daunim ol hevi bilong ol birua. Na tu,

bai mipela i harim ol toktok bai helpim yumi long rot bilong stap redi na menesim ol birua," Mis Aisi i tok.

Mista Dou i tok em i laikim dispela stadi wokabaut long wanem, olsem wanpela Baio kemis, em i mas save long rot we ol bikpela kantri i save bihainim long daunim ol birua long eria bilong em. Na moa yet nau, long maining na ol eria olsem we i kamap bikpela nau long PNG.

Embasi bilong Japan long Mosbi i stretim rot bilong dispela grup long go long dispela stadi wokabaut i go long Japan.



REDI LONG GO LONG DISASTA SKUL: Tripela UPNG sumatin na tuta i redi long go long Japan. *Poto: UPNG Pablik Rilesens*

Ol Sepik pipel tok gutbai long biknem pikinini na sios lida

Veronica Hatutasi i raitim

PLANTI Katolik pipel bi-long Is na Wes Sepik i bin bung long tok gutbai lotu i bin kamap long Wewak long wanpela bikman na pikinini bilong ol i bin dai klostu tupela wik i go pinis.

Oksileri Bisop bilong Pot Mosbi Asdaiosis, Cherubim Dambui bilong ples Timbunke long Is Sepik i bin namba wan Katolik pater na nambawan primia bilong is Sepik Provinsel Gavman i bin sik longpela taim na i dai long wanpela Filipins haus sik we kidni bilong em i stop long wok long Jun 24.

Wanpela sata Air Niugini balus i bin karim bokis I karim bodi bilong Bisop Cherubim i go long Wewak las wik Fonde. Praim Minista Se Michael Somare na Ledi Veronica wantaim Is Sepik Gavana Michael Wararu na lain bilong em i bin stap long Boram ples balus na kisim bodi bilong em. Bihain, wanpela helikopta i bin kisim kofin i go long liklik ples bilong bisop em Timbunke we i bin stap long wanpela nait bipo ol i kisim i go bek long



LUKSAVE NA SORI: OL soldia bilong PNG Difens Fos long Moem Bareks i karim bokis i gat bodi bilong dai Bisop Cherubim i go long helikopta na i go long ples bilong em, Timbunke. Praim Minista Se Michael na lain bilong em, ol bikman bilong Is Sepik Provinsel gavman, ol Katolik komyuniti, hauslain, famili na pablik long Is Sepik i lain long luksave long nau i dai bisop. *Poto: Media Yunit bilong Dipatmen bilong Praim Minista.*

Wewak. Long hap, ol i kisim bodi i go long Is Sepik Provinsel Hetkota we ol Provinsel Asembli memba i givim laspela luksave long en. Long apinun, ol i bin kisim bodi bilong bisop i go long Wirui Katitrel o haus lotu we Katolik komyuniti i bin pre i go inap neks moning.

Long 10 kilok Sarere moning, ol i wokim funeral sevis long ausait bilong Wirui peris sios na bihain ol i bin planim em long Wirui matmat klostu

long man i bin gutpela rol modul o gutpela piksa bilong em, "Flying Bishop", Leo Arkfeld.

Ol i bin givim bisop Stet Funeral na ol lain PNG Difens Fos bilong Moem Bareks i bin givim 21 gan salut bipo ol i daunim bokis i gat bodi i go daun long matmat.

Planti lain i bin toktok long ol gutpela wok we dispela bikipela man bilong God i wokim long sios, politiks na komyuniti.

Asbisop Anthony Burgess bilong Wewak Asdaiosis i bin go pas long Misa lotu wantaim helpim bilong Bisop Caesar Bonivento bilong Vanimo Daiosis na narapela bisop em Bisop Michael Marai.

Long apinun, Se Michael i bin sponsaim wanpela dina kaikai long Winjama Bis Hotel bilong tok tenkyu long ol lain husat i bin helpim long ol funeral wok bilong nau i dai Bisop Cherubim.

Holi Spirit bai i helpim yu olsem wanem?

OL disaipel i wari long wanem samting bai i kamap taim Jisas i lusim ol. Tasol Jisas i tokim ol Holi Spirit "bai i skulim yupela long olgeta samting. Na bai em i kirapim tingting bilong yupela na bai yupela i tingim gen olgeta tok mi bin givim yupela" Jon 14:26.

Mi amamas tru long dispela tok bilong Jisas. Holi Spirit bai stap namba wan tisa bilong yumi. Taim yu ritim Baibel na tok i no klia olgeta, yu mas prea na askim Holi Spirit long mekim tok i kamap klia na em bai helpim yu.

Taim yu gat hevi insait long sios, na yu no klia olgeta long we bilong stretim dispela hevi, yu mas mekim prea na askim Holi Spirit long stap tisa bilong yu na skulim yu long we bilong stretim hevi.

Taim yu redim tok bilong autim long Sande lotu, Holi Spirit bai i stap tisa bilong yu na mekim tok i kamap klia na yu ken redim gutpela tok bilong givim long ol manmeri.

Tingim tok bilong Jems, "Sapos wanpela em i sot long gutpela tingting, orait em i mas beten long God i givim tingting long em, na bai God i givim em" Jems 1:5.

Holi Spirit bai i strongim yu long autim tok Jisas i tokim ol disaipel olsem "Holi Spirit bai i kam stap long yupela, na yupela bai kisim strong. Na yupela bai autim tok bilong mi..." Aposel 1:8. Long De bilong Pentikos, Holi Spirit i kam long ol bilip manmeri na ol i pulap long Holi Spirit. Ol i autim tok bilong God na 3000 i tanim bel. Bihain ol soldia i bringim Pita na Jon long kot na ol bikman i laik daunim tupela na pasim maus bilong tupela, tasol Holi Spirit i pulap long Pita na em i no pret long ol. Olsem na em tok stret long ol hetman, "Mitupela i no inap pasim maus. Mitupela i mas autim tok long olgeta samting mitupela i bin lukim na harim" Aposel 4:8 na 20. Wanem samting i strongim Pita na em i no pret long ol bikman? Em i Holi Spirit tasol.

Stiven em i narapela man i pulap long Holi Spirit. Em i amamas long autim stori bilong Jisas, na sampela man i laik daunim em, tasol "Holi Spirit i givim gutpela save tru long Stiven, olsem na ol dispela man i no inap winim tok bilong em" Aposel 6:5 na 9-10.

Dispela wok bilong autim tok bilong God i no wanpela liklik wok. Yu no ken sanap na makim maus bilong God na maus wara nating. Yu no ken ting save bilong yu yet em inap na yu ken autim tok bilong God. Nogat tru. Aposel Paul i tok, "Tok mi bin mekim na Gutnius mi bin autim, em mi no mekim long pasin bilong ol save man...Nogat. Mi bin soim strong bilong Holi Spirit long yupela" 1 Korin 2:4. Pol i raitim pas long ol kristen long Tesalonika na i tok, "Dispela Gutnius mipela i bin bringim i kam long yupela, em i no kamap long yupela olsem toktok tasol. Nogat. Em i kamap wantaim strong na wantaim Holi Spirit" 1 Tesalonaika 1:5. Pol i wanpela saveman tru, tasol em i no bilip long save bilong em. Nogat. Em i sanap long strong bilong Holi Spirit.

Yu no ken ting blesing bilong wanpela wik em inap long narapela wik, Nogat. Wan wik wan wik yu nidim strong bilong God i kam long yu bilong inapim yu long autim tok bilong God. Yu mas mekim wankain olsem Aposel Pol i mekim. Em i askim ol kristen manmeri long prea long em, "Yupela i mas prea bai mi ken autim klia dispela tok, olsem God i laik bai mi mekim" Kolosi 4:4. Na gen Pol i tokim ol lain long Efesus, "Mi gat wok bilong autim gutnius, olsem na yupela i mas prea long God i ken strongim mi, bai mi ken daunim pret na tokaut strong long ol manmeri" Efesus 6:20.

Holi Spirit bai i strongim yu long autim tok bilong God, tasol yu mas pulap long Holi Spirit na prea long God i strongim yu long autim tok long strong bilong Holi Spirit long olgeta taim.

Holi Spirit bai strongim yu long winim traim Jisas i pulap long Holi Spirit na taim satan i traim em, em i winim satan. Holi Spirit i laik strongim yumi tu bai yumi ken winim ol traim. Jisas i tokim ol disaipel, "Helpim tru bilong strongim yupela em i Holi Spirit" Jon 14:26. Pol i prea long Holi Spirit i ken pulapim laip bilong ol kristen. "Mi save brukim skru na prea olsem, Papa i ken pulapim Holi Spirit bilong em long bel bilong yupela, na mekim yupela i strong tru. Na mekim yupela i sanap strong, olsem graun i holim pas rop bilong diwai na mekim diwai i sanap strong" Efesus 3:16-17.

Holi Spirit i save helpim yumi sanap strong, na taim ol traim i kam yumi no ken pundaun. Nogat. Long strong bilong Holi Spirit yumi inap winim ol traim na sanap strong i stap yet. Taim Holi Spirit i pulapim yumi em i mekim dispela pasin bilong laikim ol arapela manmeri i kamap strong long bel bilong yumi Rom 5:5. Holi Spirit i wok long senisim bel bilong yumi na pulapim yumi long ol gutpela pasin.

Holi Spirit i save kirapim yumi long mekim ol kain gutpela pasin olsem, pasin bilong laikim tru ol arapela na pasin bilong amamas na pasin bilong i stap bel isi na pasin bilong i no belhat kwik na pasin bilong helpim ol man na mekim gutpela pasin long ol na pasin bilong wokabout stret oltaim na pasin bilong i stap isi na pasin bilong daunim laik bilong olupela bel. Galesia 5:22-23.

Lusim Erima i go long Hanuabada

Pater Paul Liwun i raitim

STAT long long las yia 2009, i gat wanpela toktok nabaut namel long lain pater bilong SVD (Divine Word Misineri) bai kisim wanpela peris gen insait long

Asdaiosis bilong Pot Mosbi. Mipela i bin tok bai mipela i kisim Katolik Peris long Morata.

Tasol taim mi go lukim Asbishop long mun Februari 2010, Morata Peris i gat wanpela Pater bilong lain PIME i stap

pinis. Olsem na mipela i tingting bai i nogat hop nau.

Tasol taim mi autim dispela tingting i go long Asbishop John Ribat MSC, em i tok; "Paul, yu noken wari. i gat wanpela peris i stap yet insait long taun.Hanuabada i stap. Pater Paul Guy MSC bai go long Bereina olsem na mipela i laikim wanpela Pater i mas kam long Hanuabada.Yu kam na toksave long mi, em i wanpela bikipela helpim bilong yu long stretim wari bilong mi. Sapos SVD i laik, yupela i ken muv i go long St. Michael Peris, Hanuabada".

Taim mi serim dispela tok bilong Asbishop wantaim superia bilong SVD na kaunsel bilong em, ol i tok orait long SVD i ken muv i go long Hanuabada Peris. Ol i stat long painim, husat SVD Pater i ken go pastaim long dispela parish.

Taim superia i askim mi, mi tingting planti bikos mipela i gat bikipela wok long Erima long wokim bikipela moa haus lotu, bikos taim mi kam long yia 1998, mi lukim olsem haus lotu bilong Erima em i bikipela tumas. Liklik lain tasol i save kam lotu. Tasol bihain long 12 yia i go pinis, mi lukim haus lotu em i liklik tumas bikos planti manmeri i kam lotu long Erima nau i nogat spes moa. Olsem na planti i sanap tasol ausait long haus lotu.

12-pela krismas i go pinis mi bin stap long Erima. Olsem na ol i laik bai mi ken go long Hanuabada na narapela Pater bai kisim ples bilong mi. Taim mi kisim tok save long mun Februari 2010, mi pilim hat liklik long lusim Erima. Planti manmeri bilong Erima tu i no laik bai mi lusim ol.

Tasol nau mi no pilim hat moa, bikos; "Mi bin wokim planti wok bilong helpim manmeri bilong Erima peris. Tasol nau mi mas trastim wok i go long narapela pater tu. Maski long mi tasol bai pinisim olgeta wok. Jisas tu i no pinisim olgeta wok, em i bin trastim ol aposelbilong em long karim aut wok bilong em i go long narapela hap bilong graun.



Position vacant

The Lutheran Transit House Port Moresby is serving the Lutheran Church of PNG and the public in offering budget accommodation.

We seek to fill the position of Manager/Manageress of the Lutheran Transit House, Hohola, P. O. Box 206, Waigani, NCD - by 01st September, 2010.

The successful applicant

- needs to understand the role of running a guest house both with relation to accommodation and catering for guests.
- has a driving license
- will have computer knowledge in Word and Excel. MYOB would be an advantage.
- will have a pleasant manner in dealing with guests, staff and the general public.
- will preferably have previous experience in a similar field.
- will be a member of one of the mainline churches.

Application before 8th August 2010 to:

The Chairman
Transit House Committee
P.O. Box 206
WAIGANI, NCD

Annie's Pottery em i ples bilong painim ol naispela presen

...Ol kwaliti prodak bilong PNG stret

Veronica Hatutasi
i raitim

OL manmeri bilong PNG i ken kamapim ol samting i wankain olsem ol samting ol i mekim long ol arapela hap bilong wol.

Wanpela piksa em ol poteri (pottery) prodak we ol i bin putim long meri so long Holiday Inn klostu tuwepela wik i go pinis.

Meri Wantok i bin gat sans long raun long dispela so na toktok wantaim mama bilong "Annie's Pottery" em Annie De-Brouwere na man i mekim ol poteri prodak em Jimmy Amamau.

Ai bilong Meri Wantok i bin op tru taim em i lukim ol naispela kap, plet, sosa, vas, baul na kundu set. Naispela ol samting wantaim wankain kwaliti ol i save mekim ovasis. Na ol naispela miks kala na ol droing o piksa i makim ol samting long PNG yet we long wankain taim tu, i promotim PNG long en.

Planti lain i bin raun long eria we Annie's Pottery i stap long en long lukim,

baim na putim askim bilong ol long rot we ol i mekim ol dispela naispela samting, prais bilong ol, opis bilong ol i stap we, husat stret i wokim ol samting na ol kain askim moa.

Nau opis bilong Annie's Pottery i stap long Cheshire Homes long Hohola, Nesenel Kapitel Distrik.

Liklik histri bilong Annie's Pottery olsem Annie yet i tokim Wantok em i go olsem.

"Mipela i kam nupela long Mosbi na opis na ples we mipela i wokim ol poteri long en em long Cheshire Homes long Hohola, Nesenel Kapitel Distrik. Pastaim, mipela i save stap long Madang long 9-pela yia olgeta. Mi bin kisim dispela poteri bisnis long wanpela pren bilong mi long Madang.

"Long Madang, planti lain i save long mipela na bisnis i save ron gut tasol mipela i kam nupela long Mosbi long mun Oktoba. Na isi isi tasol, pablik i wok long save long mipela," Annie i tok.

Annie i tok em i gat intres o laik long poteri na nau em i lukautim dispela wok i stap.

Meri Wantok i stori tu wantaim man stret i mekim ol dispela naispela poteri prodak em Jimmy Amamau. Jimmy em i wanpela yangpela man Goroka, Isten Hailans provins.

"Mi wok 10-pela yia long mekim ol poteri long Madang. Pastaim long dispela, mi bin wok wantaim Waigani Ats Tiata long 13-pela yia. Mi bin lainim long mekim poteri long Waigani Ats Tiata.

"Mi save yusim waitpela klei (clay) long mekim ol poteri long en. Ol dispela klei em mipela i odaim i kam long Australia. Em i save kostim bikipela mani, namel long K10,000 na K11,000 long 8-pela bek klei. Wankain tu long ol kala mi save yusim. Mipela i save odaim tu kobol long Australia. Pe bilong em i olsem \$AU1,000 long 10 kilogram bek," Jimmy i tok.

Planti ol naispela kap, plet, sosa, vas, baul,

flawa, ti na kopi na kundu set em ol i bin stap long tebol bilong Annie's Pottery long taim bilong so.

Em i save kisim wanpela wik long ol samting we Jimmy i wokim long drai na kamap strong.

Jimmy i tok planti ol lain i save baim ol poteri bilong ol em ol manmeri bilong ol narapela kantri na ol turis. Sampela PNG lain tu i save go baim ol poteri bilong ol tu.

Sapos kastoma i laikim ol kap wantaim nem bilong ol na ol famili memba, yu ken putim oda bilong yu i go long Annie's Pottery na Jimmy i ken mekim. Yu laikim gutpela gif o presen long givim long bonde o pren i lusim PNG na go bek long ples bilong em, Annie's Pottery em i rait ples long painim dispela presen long em. Yu ken painim ol long Cheshire Hom long Hohola long hapsait bilong PNG Pawa het opis. Yu ken ringim ol long telepon namba: Dijisel em 72484848 o Be Mobile namba em 76828586.



MAN I GAT SAVE LONG WOKIM NAISPELA POTERI: Jimmy Amamau i soim wanpela long ol Kundu set em i wokim na ol narapela naispela samting baksait long em we em yet i wokim. Poto: Veronica Hatutasi

LAINIM: Lukim ol naispela set kap, sosa, plet, flawa vas, ti na kopi set we Annie yet i lainim i stap long redi long so. Poto: Veronica Hatutasi



Namba wan meri praim minista bilong Australia

Veronica Hatutasi i raitim

AUSTRALIA i gat nupela praim minista i kamapim histri olsem namba wan meri long kisim dispela top wok long go pas long kantri na moa long 20 milion pipel long em.

Julia Gillard i bin kamap praim minista long Jun 24, 2010 em tupela wik i go pinis, taim Leba Pati i laik holim wanpela vot i nogat bilip egensim Praim Minista Kevin Rudd, tasol em yet i lusim sia na pati i makim Mis Gillard long kisim ples bilong em.

Leba Pati em wankain pati we pastaim praim minista bilong Australia Mista Rudd na nau praim minista em Mis Gillard i memba long en.

Tasol pati i no amamas long sampela disisen we Mista Rudd i wokim na ol i autim em na makim Mis Gillard olsem praim minista. Olsem na sampela leba pati memba bilong Victoria, Nu Saut Wels na Saut Australia i bin strong long autim Mista Rudd long posisen bilong praim minista.

Olgeta Leba Pati memba i bin wanbel na sapotim Mis Gillard long kisim ples bilong Mista Rudd na kamap namba 27 praim minista bilong Australia. Mis Gillard i makim tresera

Wayne Swanson olsem Deputi Praim Minista.

Long tripela yia em i stap praim minista, Mista Rudd i bin gat bikipela sapot long PNG bikos gavman bilong em i bin kamapim gut na strongim bek gen wokbung namel long Australia na PNG we i no bin gutpela tumas taim John Howard i bin stap olsem praim minista.

Planti pipel tu long PNG i no klia gut long Mis Gillard, tasol nau, em bai go pas long Australia i gat moa long 20 milien pipel na tu, em i wanpela long ol top strongpela kantri long wol.

Taim PNG Praim Minista Michael Somare i tok amamas long Mis Gillard i kisim wok olsem namba wan praim minista bilong Australia, em i bin wokim ol tok amamas long Mista Rudd long planti gutpela wok em i mekim long Australia, Pasifik rijen na PNG.

Australia nau i joinim neiba na pren bilong em klostu long solwara bilong Tasman em Nu Silan long gat meri olsem praim minista. Nu Silan i bin gat Helen Clarke olsem namba wan meri praim minista tasol taim bilong em i pinis na nau em i holim bikipela wok long Yunaitet Nesens long Nu York.



LAKI TRU! Laki mama em Mauri Haoda ma pikinini bilong em Naomi i kisim prais manimak long K9,000.00 sekmani long bos bilong Ligel Sevis bilong Dijisel, em Andrew Kidu.

Dijisel Fugitiv resis i amamasim tripela laki meri

TRIPLELA meri em tupela mama na wanpela yangpela yunivesiti greduet i bin stap namel long 6-pela pipel i winim bikipela praismani long "Dijisel Fugitiv" resis we wanpela long ol bikipela mobail kampani em Dijisel i bin putim kamap insait long mun Jun na i pinis long las wik tasol.

Dispela kain resis i save mekim ol man i tingting yusim het bilong ol na tu, kampani i givim bek samting i go long komyuniti. Bikipela samting tu em dispela em i sans

long ol manmeri i laki na winim bikipela mani taim ol i no tromoim wanpela bikipela toea.

Mani we ol mama i winim i save go long sapotim famili long kaikai, skul fi, baim marasin na ol samting bilong helpim famili long en.

Long dispela K37,000.00 we tripela meri na tripela man i bin winim, K23,000.00 em ol meri i win taim tripela man i winim K14,000.00.

Tripela meri em Gertrude Gelo husat i wanpela mama i gat 4-pela

pikinini i bin winim K6,000.00 long Jun 17.

Namba tu em yangpela meri i pinisim skul long Yunivesiti bilong PNG, em Raelee N'Dramei i bin winim K8,000 long Jun 23. Namba tri em Mauri Haoda em wanpela mama i gat tupela pikinini i winim bikipela manimak long resis em K9,000.

Dispela gutpela resis i bin pinis long Jun 30, tasol komyuniti long Mosbi siti i kisim gutpela samting long en, moa yet ol mama.



Ol Pasifik pipel long Australia bai kisim helpim

OL Pasifik ailan pipel husat i save stap long Sauten Nu Saut Wels long Australia bai kisim sampela helpim bilong stap gut na wokbung gut wantaim ol arapela pipel long ol komyuniti long dispela rijen.

Stet gavman bilong NSW bai givim samting olsem 66 tausen dola i go long Bega Kaunsil bilong kisim wanpela komyuniti developmen opisa, husat bai save helpim ol pipel bilong Pasifik na ol arapela ples i ken painim ples na kamap olsem hap bilong nupela komyuniti bilong ol.

Atoni Jeneral na Minista bilong Sitisensip, John Hatzistergos, i tok dispela mani em bai helpim tru dispela rijen long wanem em i longwe tru long ol bikipela siti.

“Mipela i save olsem ausait long ol Yuropien maigren o wairaman, i gat sampela ol Filipino na Ailan wairaman i stap na mekim namba bilong ol asples. Aninit long dispela progrem, mipela i givim helpim long ol lokol komyuniti we i larim mipela long wokbung wantaim lokol gavman long helpim ol nupela komyuniti i kirap.”

Australia gavman i sutim strongpela toktok agensim asailum plen bilong oposisen

LONG wankain taim, Australia gavman i sutim pinis strongpela toktok agensim tingting bilong Australia oposisen long strongim ol refuji polis o loa bilong en.

Oposisen kolisen i tok olsem em bai strongim tru ol lo em i karamapim ol wok bilong lukluk na stretim ol pepa prosesing rul bilong ol asailum sika husat i brukim na bagarapim ol paspot, bonde setifiket o aidentiti pepa bilong ol. Ol lain long oposisen i tok tu olsem bai ol i givim pawa i go long ol minista bilong strongim gen ol wok bilong prosesim ol asailum sika.

Tasol minista i bosim Australia imigresen, Chris Evans, i tok dispela kain lo o polisi bai brukim na bagarapim ol intanesenel obligesen bilong Australia na ol dispela kain toktok em i tok win nating.

“Minista i gat dispela pawa pinis, na minista yet i mas apim ol banis bilong ol aplikesen i kam long ol pipel i kamap na stap ausait yet long solwara, tasol ol i oraitim ol pinis. Em i no stret. Planti ol samting ol i autim i no inap long bihainim gut refujis konvensen.”

Praim Minista bilong Frans, bai go long Nu Kaledonia

PRAIM Minista bilong Frans, Francois Fillon i luk olsem bai mekim lukluk raun

i go long Nu Kaledonia sampela taim long dispela mun.

Dispela toktok i kamap bihain tasol long lida bilong Frens gavman i bin go pas long wanpela miting bilong go het na redim ol wok bilong Numea Akod, long Paris.

Aninit long dispela Numea Akod Frans bai larim Nu Kaledonia long lukautim gavman bilong em yet.

Wanpela long ol samting em ol i bin toktok planti long en long dispela miting long Paris em ol tokman bilong ol kain husat i laikim indipendens na ol lain husat i no laikim indipendens i bin karamapim wanpela bikipela samting, em long wanem kain Flek tru Nu Kaledonia bai gat o bai kisim aninit long dispela Numea Akod.

Oceania Flash i ripot olsem ating Praim Minista bai go pas long wanpela bikipela lain, husat bai sanap makim ol ovasis teritoris minista, Ekonomi Minista na Indastri Minista Christian Estrosi.

Oceania Flash i tok ating dispela tripela de lukluk raun bai kamap namel long 17 na 19 de bilong dispela mun.

Fiji Edukesen ministri tok lukaut long ol tisa

LONG Fiji, Ministri bilong edukesen i givim pinis ol strongpela tok lukaut i go long ol tisa husat i save paitim yet ol skul pikinini.

Edukesen Minista, Filipe Bole, i tok sapos ol i painim wanpela tisa husat i wok long paitim ol skul pikinini, bai ol rausim ol long wok, na bai ol i no nap kisim pei bilong ol inap taim kot yet i stretim keis bilong ol.

Mista Bole i tok edukesen ministri i wok long salim ol pas i go long ol tisa long noken paitim ol pikinini, stat yet long 2002 taim Hai Kot long Lautoka i bin kamapim lo agensim pasin bilong paitim ol skul pikinini.

Fiji Live i tok makim Mista Bole, long tok olsem ol tisa i save gut olsem dispela lo i stap, na sapos ol i no laik harim tok, orait, i luk olsem ol i wok long bagarapim ol wok bilong ol yet.

Ol i bin rausim wanpela tisa i no long taim i go pinis bihain long em i bin paitim 26 sumatin wantaim wanpela raba hous, bihain long em i bin painim ol i bin wok long pilai kas.

Wanpela long ol dispela sumatin i bin hap dai.

Ol wok redi bilong eleksen long Tonga i go het gut

LONG Tonga, man husat i go pas long ol wok bilong redim eleksen long Novemba i tok gavman bai redi gut, na ileksen bai kamap stret long taim em ol i bin makim.

Pita Vuki, husat i wok olsem supavaisa bilong eleksen, i tok long wik bihain, bai ol i autim wanpela electoral role m bai givim taim long ol pipel long putim nem bilong ol long dispela rol, sapos nem bilong ol i no stap yet long en.

Ol pipel bilong Tonga bai vout long mun Novemba bilong makim wanpela palamen, we long namba wan taim tru, ol pipel yet bai makim klostu olgeta memba bilong palamen.

Tasol sampela lain i wari olsem planti pipel long kantri i no save gut long ol bikipela senis long vot na tu we em bai ol i makim ol palamen memba.

Is Timor bai lukluk gut pastaim long askim bilong Australia

TASOL Deputi Praim Minista bilong Is Timor, i tok gavman bilong en i mas lukluk na tingting gut pastaim long dispela askim bilong Australia long kirapim wanpela prosesing senta bilong ol asailum sika long kantri.

Jose Luis Guterres i tok olsem dispela askim em ol i wok long paitim toktok long en long ol ministri insait long gavman bilong Is Timor.

Em i tok em i gat strongpela tingting olsem gavman bilong Is Timor bai inap givim Australia wanpela opisal bekim long sampela wik i kam.

Nu Silan inap helpim Australian gavman asylum lo

STAP yet long dispela stori, na Nu Silan ating bai nap helpim Australia gavman wantaim nupela lo bilong en long ol asailum sika o pipel husat i laik kam stap long Australia.

Julia Gillard i tok Presiden bilong Is Timor, Jose Ramos-Horta i givim sapot bilong en pinis long dispela tingting, na Praim Minista bilong Nu Silan, John Key i gat wankain tingting.

‘Na John i tokim mi olsem em bai orait long wokbung na kamapim dispela. Is Timor na Nu Silan em ol kantri husat i sainim pinis Refuji Konvensen na Nu Silan, wankain olsem Australia, em i wanpela risetelmen kantri. Mi toktok pinis wantaim Yunaitet Nesens Hai Komisina bilong ol Refuji, Antonio Gueterres.

Mista Key i tok em i nogat wari long dispela tingting, tasol em i tok gavman bilong en bai no inap long apim mak o namba bilong ol refuji husat i ken go insait long Nu Silan.

Mista Key i tok tu olsem Nu Silan bai save go het yet long glasim gut o mekim ol strongpela sekyuriti wok sekim long ol asailum sika.

Teki givim tok lukaut long Israel

TEKI (Turkey) i givim pinis tok lukaut i go long Israel olsem em bai stopim wokbung wantaim em sapos Israel i no nap sore long pasin em i mekim long go insait long wanpela lain sip em ol i bin wok long karim ol kaikai, marasin na ol narapela samting o eid i go long GAZA.

Taim ol soldia bilong Israel i bin go insait long ol dispela sip ol i bin paitim na sutim nabaut ol pasindia na kilim nainpela pipel bilong Teki.

Israel i tok em bai no inap, na no nap tok sori long wanem em i tok, em i bin wok long lukautim em yet.

ABC niusman, Peter Cave, i ripot i kam long Jerusalem olsem Foren Minista bilong Teki, Ahmet Davutoglu i bin tokim wanpela niuspepa olsem Israel i mas tok sori, o em i mas larim wanpela intanesenel komisin ov inkwairi na kisim wanem kain ripot em dispela komisin ov inkwairi bai kamapim, na sapos em i no nap bihainim ol dispela askim, orait, Teki bai stopim ol wok pren wantaim Israel. Em i tok bai ol i kisim na luksave long ol wok painimaut em Israel i wok long mekim, sapos, em bai tok sori, na givim kompensesen i go long ol famili bilong ol pipel husat i bin dai long ol dispela sip.

Praim Minista Benjamin Netanyahu i bilong Israel, i tokaut pinis olsem kantri bilong en bai no inap tok sori, na wanpela Sinia Foren Ministri opisal i tokaut gen pinis olsem Israel bai no nap tok sori long wanem em i bin wok long lukautim em yet.

Samoa i redi long salim ol polis meri go long East Timor

SAMOA nau i wok long redi long tok gutbai na salim namba wan lain polismeri i go long Is Timor long wok aninit long pis kiping progrem bilong Yunaitet Nesens.

Talamua onlain nius i tok polis long Apia i tok tripela polismeri bilong Samoa bai go long Is Timor, wanpela long ol em wanpela polis inspekta, wanpela sinia polis sajen na wanpela sajen.

Ol dispela meri i bin mekim ol bikipela trening tru bilong redim ol long dispela wok. Ol kain trening em ol i bin mekim i bin karamapim wei bilong lukautim na yusim ol gan na tu ol kain wei bilong lukautim ol yet o self difens.

Dispela onlain stori i bin tok tu olsem dispela tripela polismeri bai wok aninit long Yunaitet Nesens pis kiping progrem.

Narapela lain polis, olgeta em ol ol polisman nau i wok long redi long go wok long Dafur insait long Sudan long Afrika sampela taim long dispela yia.





Nupela lo stopim kompensesen bilong busgraun

GAVMAN bilong Somare i kamapim wampela nupela lo we i opim dua long ol ovasis bisnis na kampani ken kam insait long kantri na mekim wok antap long ol bus graun na solwara bilong yumi.

Dispela Lo nau bai oraitim ol long go het wantaim wanem kain wok bilong ol na sapos bagarap i kamap long bus o graun o solwara, ol no inap long baim kompensesen go long ol papagraun o ol lain husat bai kisim bagarap.

Kain olsem sapos timba kampani bilong ovasis kam na katim diwai long wampela bus na em bagarapim ol wara o mekim wara go doti na ol manmeri dring na painim sik o ol kaikai long gaden stat long dai, bai nogat kot long dispela.

Ol pipel husat bai kisim bagarap i no inap karim dispela timba kampani go long kot bikos dispela Lo i tok nogat long kotim dispela bisnis o kampani.

Yumi harim stori bilong ol



lain bilong Madang long Basamuk we ol stopim Ramu Nikel Maining kampani long noken tromoi pipia bilong maining go long wara bikos dispela bai bagarapim laip na sindaun bilong ol pipel bilong ples.

Dispela toktok wok long stap yet na las wik tasol gavman bilong Somare i hariap kampaim dispela lo long palamen. Olsem na Ramu Nikel Main ken go het long wok bilong em na sapos pipia bilong ol i go daun na bagarapim Basamuk wara em bai nogat kot.

Yumi harim tu long wampela ovasis maining kampani laik dikim wel long namel bilong solwara long Kavieng na Manus. Sapos ol i dikim wel na sapos wel i bagarapim ol pis na abus bilong solwara we inap bagarapim laip bilong ol manmeri long hap, em bai

nogat kot na kompensesen go long ol asples.

Bipo yumi save kotim husat kampani i bagarapim ol busgraun na solwara bilong yumi taim ol kamapim bagarap long ples na laip bilong ol manmeri. Lo i luksave long dispela na rot i op long yumi ken go long kot na kotim dispela bisnis. Tasol nau dispela nupela lo bilong Envairomen em stopim yumi nau.

Nau bikipela projek bilong LNG bai kamap long kantri na sapos em bagarapim ol bus graun long hap bilong Sauten Hailans kam daun long Galp na na Sentrel provins, tru tumas bai nogat kot na kampani ya bai go het na amamas long mekim wok bilong em na kisim bikipela mani na ronawe go bek long kantri bilong em.

Em luk olsem dispela lo i kamap long mekim laip i isi long ol ovasis bisnis na kampani long kam bekim bisnis bilong ol long Papua

Niugini. Dispela nupela Envairomen Lo em mekim ol ovasis bisnis i amamas tru bikos em banisim ol gut nau. Em i no lo bilong helpim ol pipel bilong Papua Niugini, nogat.

Em i lo bilong helpim ol ovasis lain.

Dispela lo i no bin kam aut ples kliat tu long ol pipel bilong Papua Niugini ken skelim na kisim gut tingting long en pastaim, nogat. Nogat man i lukim na ritim dispela lo pastaim long palamen i pasim. Em kamap isi tasol na 73 memba bilong gavman vot na pasim kamap lo.

Olsem na yumi skelim gen, gavman bilong Somare tingim laip na sindaun bilong ol pipel o em laikim mani na bisnis bilong ol ovasis lain na mekim?

Em i olsem gavman bilong Somare i salim kantri bilong yumi go long han bilong ol ovasis lain.



KOMENTRI

Gavman i no stap moa wantaim pipel

SAPOS yumi skelim ol hevi i wok bungim kantri tude, na bekim gavman i givim long ol dispela hevi, em i kliat moa olsem dispela tingting i tru. Gavman i no stap moa wantaim ol pipel.

Bikos i gat planti bikipela rot we mani bai kam insait long kantri, Gavman i sanap em yet long bihainim laik na tingting bilong em yet.

Wanem ol dispela laik na tingting, bai yumi mas luk-save long husat tru i wok go pas long planti bikipela wok gavman i karimaut wantaim ol dispela nupela projek bilong pulim mani i kam insait.

Nogat ol dispela pesman tu i save tromoi laik bilong ol i go insait wantaim laik bilong kantri na ekonomi bilong yumi.

Watpo na yumi tok olsem?

Long ol wik i kam inap tude, yumi lukim gavman i yusim ol namba bilong en insait long Palamen long vot na tok oraitim sampela ol bikipela senis long ol lo i bosim wok bilong was long pasin stil namel long ol lidamanmeri, lo i bosim lukaut bilong busgraun bilong yumi, na sampela ol arapela ol i bin oraitim, na i nogat wampela gutpela tok pait i bin kamap long ol.

Olgeta wanwan samting gavman i bin mekim, em i strong yet na tok olsem em i mekim samting stret, na i nogat wampela asua long pasin bilong em.

Tupela wik i go pinis, gavman i amamas tru na tokaut long ol i skelim nau ol sid mani i go long ol papagraun bilong Sauten Hailans aninit long bikipela Likwifait Netseral Ges (LNG) projek.

Tasol insait long tupela mun tasol, mipela i lukim tupela bikipela birua i kamap long namba wan bikipela ples balus bilong yumi long Pot Mosbi.

Em taim wampela biknem bisnisman, ol i sutim na kilim em i dai long ples balus.

Na las wik tasol, sampela ol birua man i sut long ol pait gan gen long traim kilim sampela ol papagraun bilong bilong Moro ges projek.

Dispela i soim kliat, olsem belhat pasin nau i kamap bikipela bihainim gro bilong ol bikipela risos projek, na gro bilong mani i kam long ol dispela ol projek.

Tasol gavman i no luksave long dispela yet.

Ol i bin go long Nu Yok, long sindaun kaikai wantaim ol bikipela divelopa bilong LNG projek, na ol i krai, ol i autim bel sori bilong ol, na tok olsem dispela projek bai kamapim bikipela mani tru bilong stretim olgeta hevi bilong kantri PNG.

Tasol ol i no tingting long sindaun, belhevi, na belkrai bilong ol pipel.

Tingting bilong kisim mani tasol, na pasin bilong gridi na laikim olgeta samting bilong ol yet nau i mekim gavman i kamap olsem wampela sting samting long tingting bilong pipel.

Na wampela samting we pipel nau i luksave, em i olsem. Nus bilong gavman i pas pinis long smelim dispela sting i kamap long het na pasin bilong em yet. Olsem na nau bai yumi lukim olgeta dispela belhat bilong pipel i kamaut. Gavman, na Somare, yu luksave tu o nogat?



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pi bilong wampela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Kanga

Editor
Neville Choi

Published at
Section 58, Alotmen 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wolnius long poto...



WILWIL RESIS: Namba wan bikpela wilwil resis long wol, Tua De Frans i save bihainim kain kain rot. Long dispela poto, Fabian Cancellara bilong kantri Switsalen i ronim wilwil bilong em antap long rot ston long namba tri hap namel long ples Wanze na Arenberg-Porte Du Hainaut dispela wik.



NO WANBEL: Ol Sri Lanka lain manmeri bilong Nesenel Fridom Fran i kukim wanpela hap giaman man ol i mekim wantaim pes bilong Sekreteri Jeneral bilong Yunaitet Nesens, Ban Ki-moon taim ol i mekim wanpela protes reli long ples Colombo dispela wik. Wanpela kabinet minista bilong Sri Lanka i go pas long ol arapela wantok bilong en long dispela protes mas i go long ol opis bilong Yunaitet Nesens opis long protes agensim sampela sut toktok long ol birua ol lain Sri Lanka i mekim long taim bilong pait.



LAION I WAS I STAP: Ol i no kam lukim laion. Nogat. Ol manmeri i sindaun raun insait long dispela ples i stap long lukim ol nupela stail klos wanpela man Jemani, Karl Lagerfeld i kamaut long wanpela fesen so dispela wik.




BIKNEM AI DOKTA KISIM LUKSAVE: Biknem ai dokta bilong Australia, husat i bin kam helpim planti ol aipas manmeri long Papua Niugini, Fred Hollows, nau i kisim moa luksave long Australia, taim gavman i tok orait long yusim pes bilong em long wanpela 1 dola kapa mani we ol i autim dispela mun, Julai long Australia.

Leigh Boin i raitim


“Maski olsem em hatpela wok tru long MVIL long painimaut tru olsem pasin bilong resis, na hariap tumas na hambak pasin i stap namel long ol draiva, mipela i ken tok olsem ol dispela pasin i save kamapim ol birua long rot bilong yumi. Ol dispela kain pasin nogut save kamapim hevi,” Dokta Mua i tok.

Motor Vehicles Insurance Ltd





Is Nu Briten



Manus



Manus



Motu Koitabu



Isten hailens



Kairuku



Westen hailens



Is Sepik



Morobe

Pom Nats kaiser al de...

1000000

ti-
nd
ed
ar
C-
e-
eir
E:
(3)
n.
is

Raun wantaim Kanage olgeta wik

Abus bilong sak

KANAGE bilong Enga na poro bilong em bilong Sepik. Tupela save stap long Enga longpela taim pinis. Kanage tokim poro bilong em olsem, "mitupela stap long Hailans longpela taim tumas. Nau yumi go stap long nambis bilong Sepik wara".

Poro kisim Kanage i go raun long waswas long nambis, na em i tokim Kanage, "Taim yu waswas long wara na lukim wanpela pin i katim wara na spit i kam, em yu mas save olsem trabol, na yu mas swim i kam bek."

Kanage bekim na tok, "yu noken wari, wara Lai mi save brukim long taim em ren".

Em nau tupela go swim long Sepik wara na tromoi net long painim pis na Kanage i go swim. Em swim na singsing olsem (Sepik meri yu skul meri yet). Taim em i singsing, em i no save olsem em i stap long dip solwara. Sem taim em i lukim pis i katim wara na i kam. Kanage save olsem em trabol. Em i swim long baksait i kam na i singsing, "Jisas love the little children all



the children of the world."

Em swim i kam long arere na tokim poro bilong em, "tumoro tasol bai mi go bek long Hailans bilong mi long Enga Provins. Klostu mi kamap abus bilong sak."

Wally Anis
Mt Hagen

Kros nating

KANAGE i raun long Eriku long Lae i stap, na em i harim sampela man i singaut olsem "Oyo.....ol ari yet." Dispela em taim ol i lukim ol yangpela meri Buang i pulim longpela lain na raun i stap.

Kanage harim olsem na kros olgeta, bikos em i ting ol i paul na kolim nem bilong ples bilong em long Ali ailan long Wes Sipik Provins.

Boi go tasol na askim wanpela man i sanap poromanim Papindo

stua i stap. "Brata, ol lain ya i kolim Ari, em long Wes Sipik o?" Em nau man ya i go na askim ol Buang. Wanpela bilong ol i kam tasol na tokim Kanage, "Oroman, ating yu mas rongrong ya. Ari em i kantri sait bilong ol Buang ya." Kanage harim olsem na sem wantaim na tekov.

Awa Giame & Erika Nunu
Wan Mail- LAE.

'Mi save hatwok'

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kanage. "Kela bun bun, yu paitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em."

Friedson Kipas
BULOLO, LAE

Ol skwat!

Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
atolire@wantok.com.pg

Man bilong mi i no save helpim mi

Dia Laipain,

MI marit na mi gat tripela pikinini. Mi no laikim pasin bilong man bilong mi na mi les pinis.

Em i no save helpim mi wantaim haus wok olsem wasim klos, wasim ol plet, kuk na tu em i nosave mekim ti bilong em yet long dring. Tu, em i save les long lukautim bebi bilong mitupela.

Mi save long planti man husat i laikim tru ol meri bilong ol na helpim ol wantaim ol wok long haus long fri taim bilong ol.

Taim mi save askim man bilong mi long helpim mi, em i save tok em i wok bilong ol meri long wokim ol haus wok.

Mi save painim hat long senisim tingting bilong em long dispela na mi laik save wanem wei mi ken senisim tingting bilong en long helpim mi wantaim haus wok.

Em i gat narapela pasin nogut long fosim mi long slip wantaim em na taim em i save spak, em i save fosim mi long slip wantaim em, maski mi gat haus wok long mekim.

Taim mi save tok nogat bikos ol pikinini i stap raun na bebi tu i yangpela yet, em i save tok em bai paitim mi olsem na mi save bihainim laik bilong em tasol.



Em i sore samting long mi bikos dispela pasin i agensim laik bilong mi na mi pret long gat bel gen taim bebi bilong mipela i liklik yet.

Man bilong mi save laikim mi long bihainim laik bilong em wantaim nogat gutpela tingting long pilings bilong mi.

Mi laikim tru man bilong mi na laikim em long senisim pasin na tingting bilong en long mi. Em i save mekim mi pilim olsem mi nogat luksave na i nogat rispek long pilings bilong mi.

FED UP

Dia Pren,

Mipela i pilim sore long sindaun yu bungim insait long marit bilong yu wantaim man bilong yu.

Mipela i save kisim planti ol pas long ol meri husat i tokaut long wan kain hevi yu bungim long dispela taim.

Plant mas i lukim ol meri bilong ol olsem ol samting we i nogat luksave na planti bilong

dispela man i tingting olsem bikos long wei ol papamama i skulim ol taim ol i liklik.

Ol papa mama i save skulim ol pikinini long wok bilong man na meri taim ol pikinini liklik go inap ol i bikpela.

Ol pikinini i save lainim long ol papamama long wanem wok ol man i ken mekim na wanem wok ol meri i ken wokim.

Ol kalsa i lainim mipela olsem em i wok bilong ol meri long wokim haus wok na ol man i ken wok insait ol opis o kain olsem. Sampela man i no save tingim pilings bilong meri bilong ol na bai soim olsem ol i nogat laik long harim toktok long meri bilong ol.

Man bilong yu i gat dispela kain pasin bikos papamama bilong en i skulim em na em i bilip wantaim nogat tingting olsem em i bagarapim pilings bilong yu.

Yu tingim long traim sampela gutpela wei long toktok long man bilong yu? Dispela em ol sampela samting long tingim bipo yu toktok long en.

Taim yu save laik toktok long en, em i gutpela taim o nogat?

Wanem taim em laspela taim yu laikim tru man bilong yu taim em i wokim samting long helpim yu?

Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabaut i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sipsip.

NEM: Janeth Sango

KRISMAS: 21 (meri)

ADRES: Pes Catholic Mission, P.O. Box 36, Aitape, Sandaun Province

SAVE LAIKIM: Pilai soka, harim musik, mekim pani, na was was long solwara

NEM: Jonilla Napus

KRISMAS: 19 (meri)

ADRES: Pes Catholic Mission, P.O. Box 36, Aitape, Sandaun Province

SAVE LAIKIM: Harim musik, go lotu, lukim TV, mekim penpren na mekim pani

NEM: Gorethy Walet

KRISMAS: 19 (meri)

ADRES: Pes Catholic Mission, P.O. Box 36, Aitape, Sandaun Province

SAVE LAIKIM: Harim musik, go lotu, pilai soka na basketbol, mekim pani, lukim TV, mekim penpren na waswas long solwara

NEM: Thaile Enarekic

KRISMAS: 29 (man)

ADRES: P.O. Box 60, Fincshafen, Morobe Province

SAVE LAIKIM: Pilai musik, raitim ol pas na long painim penpren

NEM: Angeline Yovana

KRISMAS: 18 (meri)

ADRES: C/- Bema High School, PMB. Lae Post Office, Morobe Province

SAVE LAIKIM: Pilai volibol, basketbol, stori na tok pilai, lukluk TV na go lotu.

NEM: Luxie Lucas

KRISMAS: 19 (man)

ADRES: Galai One Opic, P.O. Kimbe, WNB

SAVE LAIKIM: Pilai soka, harim musik na mekim pren

NEM: Aidan Orari

KRISMAS: 28 (man)

ADRES: P.O. Box 3435, Boroko, NCD

SAVE LAIKIM: Pilai gita, ritim buk, na raitim pas

NEM: Junior Eddie

KRISMAS: 20 (man)

ADRES: C/- P.O. Box 521, Waigani, NCD.

SAVE LAIKIM: Pilai soka, ragbi, ritim baibel na go lotu

NEM: Luanne Akut

KRISMAS: 19 (meri)

ADRES: PO Box 102, Wewak, East Sepik Province

SAVE LAIKIM: Raitim pas, pilai basketbol, harim musik na ritim buk.

Pren bilong yu, Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Longtaim DAL opisa kisim luksave

Seniorl Anzu (NARI) i raitim

WANPELA biknem save-man bilong agrikalsa husat i stap longpela taim long kantri i kisim luksave long Kwin long wok em i mekim.

Dispela man em Dokta John Edwin Moxon, sinia Nesenel Agrikalsa Risets Institut saintis husat i stap long Kerevat long wok bilong Lolen Agrikalsa Eksperimen Stesin (LAES)

i kisim awot long dispela luksave.

Em kisim awot long Jun long Bon De bilong Kwin.

Em i kisim awot bilong Komanda bilong Britis Empaia (CBE).

Dokta Moxon i gat bikpela nem long hap bilong Gazelle na Rabaul long Is Nu Briten.

Em i man husat i stap bihain long kamap bilong galip nat indastri long dispela hap.

Bihain long hevi bilong

sik kakau i kamap na planti kakau i bagarap, ol manmeri i yusim galip long strongim ol yet.

Mani mak bilong galip bisnis long wanpela yia i stap olsem US\$300 milion (klostu long K900 milion) na dispela diwai i gro tasol long PNG, Solomon Ailans na Vanuatu.

Dokta Moxon, 58, bilong Yorkshire, Ingran i kam long PNG long 1980 olsem wanpela yangpela agrikalsa opisa bihain long em i kisim Dokta Digri long Entomoloji long Royal Holloway Kolis, London Yunivesiti.

Long taim em i joinim Dipatmen bilong Agrikals na Laipstok (DAL) em i kisim wok long Rabaul na stat long dispela taim i kam inap nau em i stap long Is Nu Briten.

Namel long dispela taim em i bin go pas long mekim wok bilong LAES long mekim wok painim long ol samting we inap long gro long ol hap bilong loulén. Dispela em long 1986 i kam inap long 1993.

Long 1993 i kam long 2000 Dokta Moxon i wok wantaim PNG Kakau na Kokonas Risets Institut olsem Sif Eksekutiv Opisa.

Long dispela taim em i go bek long Kakau Kokonas Risets Institut na i wok olsem Risets Progreim Lida.

Long 1993 em i kisim Setifiket bilong Sevis i go long Gavman bilong PNG.

Em i marit long Wendy bilong Nonga na i gat tripela pikinini.



MAS SAVE: Dokta Moxon, bikpela agrikalsa saveman wantaim NARI.



TENK YU: Long tok tenkyu long em ol sumatin i kisim presen long Dokta Moxon.



BIKPELA WARA: Ol opisa bilong Saina sekim raun wara klostu long Kerea Viles, Vanapa long Hiritano Haiwe.



GUTPELA KAIKAI: Rentong wantaim ol tim memba bilong em i sekim kaikai long maket arere long rot klostu long Brown River, Hiritano Haiwe.

PNG i gat bikpela na gutpela graun bilong mekim gaden

Soldier Buruka (DAL) i raitim

PAPUA Niugini i gat bikpela na gutpela graun long mekim gaden na kamapim ol arapela samting long pulim ol investa i kam insait long kantri.

Gavman i mas wok hat tu long promotim invesmen i go insait long agrikalsa sekta.

Tasol wantaim long dispela em i mas gat gutpela infrastraktsa olsem ol gutpela rot na bris na gutpela lo na oda long komyuniti.

Olgeta dispela samting i bikpela samting long mekim kantri i kamap gut.

Hetman bilong Saina tim Lin Rentong i mekim dispela tok long taim em i givim tok long ol opisa bilong Dipatmen bilong Agrikalsa na Laipstok long dispela wik.

Em i tok em i amamas long lukim planti hap bilong kantri inap long kirapim ol bikpela agrikalsa projek na i bilip PNG wanpela de inap kamap develop kantri olsem Saina.

Em i tok long mekim olsem PNG i mas yusim ol risoses bilong em wantaim nupela teknoloji wantaim helpim i kam long ol gutpela na trupela investa.

PNG i gat gutpela taim (klaimet) long mekim graun i stap gut long kamapim wok agrikalsa. Na dispela ol samting i kisim wok bilong planim rais na grein tu.

Tasol PNG i mas kamapim gutpela infrastraktsa olsem trenspot, rot, ol maket, wara, pawa long lukim agrikalsa na ol arapela sekta i kamap bikpela.

Mista Rentong husat i Deputi Dairekta Jeneral bilong Liaoning Provinsel Faming na Len Riklemesin Beru (Bureau) i go pas long Saina tim long kam long lukluk raun long kantri long painim ol rot bilong mekim invesmen.

Tripela de wokabaut bilong em na tim bilong em i kisim ol i go long Vanapa, Hiritano Haiwe, Sentrel provins long luksave long ol samting kantri i gat long ol i ken mekim invesmen.

Long dispela taim tu ol i bin toktok wantaim ol kampani i stap long kantri.

Em i tok Saina i redi long helpim PNG long ol nupela faming teknoloji na givim trening long ol PNG manmeri long kisim save na yusim ol dispela samting.

Bikpela samting em olsem PNG i mas redim graun long ol kampani i kam insait.

Long bekim Seketari bilong DAL Anton Benjamin i tok PNG nau i painim ol sans long developim agrikalsa sekta bilong em na kam bilong Saina bai moa gutpela.

Mista Benjamin i tok PNG i gat ol sans bilong kamapim grein prodaksen, laipstok na ol arapela tri krop olsem kopi na kokonas long apim mak bilong salim agrikalsa samting bilong em.



AMAMAS: Wapela fama wantaim tupela pikinini bilong em i luk-luk long ol samting ol fama bai yusim long pait egensim sik kakau.

Nupela teknoloji long pait agensim binatang bilong sik kakau

Soldier Buruka (DAL) i raitim

PAPUA Niugini Kakau na Kokonas Institut Limited long dispela wik, i tokaut long industri long nupela samting industri bai yusim long pait agensim binatang bilong sik kakau.

Na wantaim dispela long lukim industri i kirap gen na wok olsem wanpela bikpela industri long sapotim ol

fama na ekonomi bilong kantri.

Program ol i kolim Integrated pes na disis menesmen (IPDM) i save kisim ol samting olsem:

- Prunim;
- Pamim marasin long ol kakau;
- Planim sed diwai olsem lamtor o sed tri na
- Planim kain kain kakau.

Wantaim kain ol tingting Dipatmen bilong Agrikalsa na Laipstok (DAL) i ronim IPDM.

DAL i bilip olsem wantaim IPDM em i ken strongim tingting bilong ol fama long yusim ol nupela teknologi long strongim wok kakau na wantaim strongim tingting bilong ol long groim yet haibrid o klonel kakau.

Em i bilip tu olsem wantaim dispela program ol fama i ken lukim ol kakau i kamap gut, karim na ol fama i kisim gut mani long em.

Dispela nupela teknologi em ol i lonsim wantaim PNGCCI strategik plen 2010 i go long 2019 long Tavilo Risets stesin, Is Nu Briten long las mun.

Long taim bilong lonsing DAL sekretari Anton Benjamin i tok program i kamap bilong strongim bilip long ol fama na long lukim olsem ol fama i kisim na yusim dispela ol nupela tingting bilong helpim wok bilong ol long kakau.

Em i tok gavman i bin putim planti mani na risoses long pait agensim sik kakau tasol dispela i no mekim gupela senis.

Long dispela as em i wok bilong ol fama long yusim dispela ol teknologi.

Em i bilong olsem IPDM i gupela rot bilong pait agensim sik kakau na long strongim kamap bilong wok kakau.

Na long ol fama i yusim dispela teknologi em i salens bilong gavman ejensi, provinsi edministresin, famas asosiesen, praivet sekta na ol arapela bodi long lukim olsem IPDM program i kamap gut.

Long dispela em i askim ol provins we i save planim kakau long ol i mas kisim na yusim dispela program long strongim wok bilong ol na kakau industri.

Mista Benjamin i tok tenkyu na amamas long ol PNG saintis na risetsa long wokbung wantaim ol saintis bilong narapela kantri long kamap wantaim IPDM teknologi.

"Mipela i gat ol gupela saintis na resetsa long rijen we ol i save wok aninit long planti hevi tasol i save stap strong na kamapim ol gupela mak bilong wok painim bilong ol.

"Mipela i mas givim luksave long dispela gupela wok bilong ol long strongim kakau industri," Benjamin i tok.

Em i tok tenkyu tu long gavman bilong Australia long kamap wantaim dispela tingting bilong mekim risets na long putim mani long kamapim risets.

Na dispela helpim em i mekim aninit long Agrikalsa Risets na Dvelopmen Sapot Fesiliti (ARDSF) long strongim sapot em i save mekim long wok bilong teknikal.

PNGCCI ekting CEO Dokta Eric Omuru i bilip olsem IPDM bai mekim senis long kakau industri.

Em i tok long taim sik kakau i kamap planti ol fama i lusim industri na kalap long ol narapela industri long sapotim ol tasol wantaim kamap bilong dispela program em bai pulim ol i kam bek long kakau industri.

PNG CCI i kamap long 2003 long taim PNG Kakau na Kokonas Risets Institut na PNG Kakau na Kokonas Ekstensin Ejensi i bung wantaim.

Kakau Bod na Kokonas Industri Koporesin i gat sea na olsem tupela wantaim i papa long PNGCCI.

Wok bilong PNGCCI em long mekim risets, developmen na ekstensin kamap bilong wok kakau na kokonas na salim bilong tupela long ovasis maket.



Em Isi tru long Kisim Fres Prodius Maket Infomesin wantaim ol Digicel Fon

Fres Kaikain	Kod	Yunit
Avokado	AVO	kg
Snek Bin/Frens POM	BEAN	k
Brokoli	BROC	kg
Kabis	CAB	kg
Kerot	CAR	kg
Galik	GAR	Kg
Onion	ONN	Kg
Orens	ORA	Kg
Painapol	PINE	kg
Poteto	POT	kg
Swit Poteto (kaukau)	SPOT	kg

Ol famas na lain bilong baim fres kaikai bai isi tru nau long kisim maket infomesin long ol fres kaikai taim ol i yusim wanpela Digicel mobail fon. Bihainim ol dispela isi rot tasol:

1. Presim na raitim kod bilong fres kaikai na larim wanpela spes i stap

2. Presim na raitim daun variabel (prais, saplai o kwaliti)

3. Presim SEND igo long 4636

4. Wanpela text mesej i soim wanem maket infomesin yu laikim bilong ol 8-pela bikpela maket long PNG

Variable

Prais

Sapalai

Kwaliti



Mekim gupela Prodaksin na Maket Disisen long ol frut na fres gaden kaikai bilong yu

Wantaim maket infomesin i stap pinis, em i ken halivim yu long mekim disisen long wanem kaikai bai yu groim long gaden na kisim, hamas long groim, wanem hap long salim, wanem kaikai na ples bai yu baim.


Long kisim moa infomesin, ringim Help Desk long 72652747/72784968/73050007/3215520/72459749

Wanpela Gutpela wok helpim em Fres Prodius Developmen Ejensi, Digicel na AusAID i bringim kamap.



Digicel
PNG's Bigger, Better Network





**Ashley Harrison i painim man long
givim bal i go long em long gem bilong ol long Trinde nait.**



**Igat bilip olsem dispela em i nap
laspela gem blong Petro Cioniceva**

Parramatta bagarap

LONG wankain taim long 2009, ol i wok long kam bek strong na winim ol arapela tim na i go kamap long gren fain-ols.

Tasol nau, Parramatta i lusim 5-pela gem long laspela 6-pela ol i pilaim na tu ol i putim 42 poin tasol insait long dispela 5-pela gem.

Dispela i mekim na tim kepten, Nathan Cayless i bilip Parramatta i bagarap tru nau.

Long stat bilong dispela yia, planti man i bilip olsem ol Eels bai winim primiasip dispela yia tasol nau ol i no luk olsem ol bai nap long mekim dispela.

Ol i kisim Justin bilong Dragons, Shane Shackleton bilong Rooster na Timana Tahu i lusim ragbi yunion na kam bek i mekim ol i luk strong moa.

Antap long dispela ol i sainim nupela kontrak gen long holim Jarryd Hayne na Daniel Mortimer long stap wantaim tim na dispela i mekim ol man i bilip tru olsem tim bai ron gut.

Tasol dispela i no kamap nau olsem ol i ting.

Poore i no painim gem bilong em yet na Shackleton i kisim bagarap long lek skru bilong em long namba wan gem bilong em na bai no inap pilai gen dispela yia.

Tahu nau i stap long 4-pela wik



TAIM NOGUT: Parramatta i wok long bungim taim nogut nau.

saspensen bilong em long wanpela hevi em i mekim agensim Newcastle.

Hayne tu i no pilai olsem long 2009 taim em i winim Dally M awod olsem nambawan pilaia long dispela yia.

Mortimer tu i wok long painim gem bilong em yet bihain long em i senisim posisen bilong em long faiv eit i go long hap bek.

17 raun i pinis nau na ol Eels i stap long namba 10 ples bihain long 35-6 lus bilong ol las wik agensim Warriors.

Ol i stap 4-pela poin autsait long Top 8 ples.

"Mipela em klap we i luk olsem i save

gat tupela o tripela kain hevi olsem olgeta yia," Cayless i tok.

"Em i hap samting bilong gem na nau i luk olsem taim bilong mipela long bungim dispela hevi.

"Bihain taim mipela i stat long winim tupela o tripela gem gen nau bai narapela tim i bungim wankain hevi," em i tok.

Tasol em i tok ol i mas winim ol gem hariap nogat bai ol i go bagarap moa yet.

"Mipela i mas winim ol gem, ol i save baim mipela long mekim dispela," Cayless i tok.

Gasnier bai givim moa pawa long Dragons

OL St George Illawarra Dragons i stap namba wan ples long NRL resis na supa kosa bilong ol, Wayne Bennett i stap isi tasol tu.

Tasol nau ol i gat wanpela moa samting long strongim ron bilong ol yet moa yet long dispela yia.

Dispela em long taim pikinini bilong ol husat i go lus na i kam bek, Mark Gasnier.

Kam bek bilong Gasnier i mekim planti sapota i bilip nau olsem 2010 em inap long kamap tru olsem yia bilong ol Dragons.

Wanpela hevi bilong Dragons long gem em long traim na i go skoaim ol poin.

Dispela i kamap ples klia long 2009 taim ol i lus na i no go insait long fainols resis.

Dispela yia, ol i putim planti moa trai long las yia tasol dispela ol trai wok long kamap long lephan sait bilong ol we Brett Morris na Matt Cooper i sanap.

Long ol senta na hapsait we Gasnier i save ron bipo em ol i no save putim planti poin tumas long hap.


Tasol nau, Gasnier i kam bek na sapos em i kisim bek dispela posisen bilong em long rait senta em bai kirapim paia bilong ol Dragons gen long dispela sait bilong pilai graun.

Pilai bilong faiv eit, Jamie Soward i wok long kamap gut olgeta wik na nau wantaim Gasnier long rait han sait bilong em bai em i gat moa sans long ronim bal gut long dispela sait tu.

Gasnier i gat gutpela rekot long putim ol trai agensim ol tim husat i stap long Top 8 ples nau.

Tupela bilong ol we i stap ples klia em Wests Tigers na South Sydney.

Gasnier i putim 20-pela trai insait long 13 gem em i pilai agensim ol Tigers na i



MAN NOGUT: Gasnier bai givim moa pawa long ron na pilai bilong ol Dragons.

gat bilip em bai mekim wankain samting long ol na ol narapela tim taim ol Dragons i bungim ol dispela yia.

Gasnier i gat gutpela difens tu na taim em i kam bek long taim bai ol i pusim Beau Scott long senta i go bek long seken ro.

Scott i gat gutpela difens tu na long seken ro bai em i sanap long raithan sait tu we bai mekim banis bilong em na Gasnier i strong moa yet.

Gasnier i no bin gat sans long stap aninit long Wayne olsem kosa bilong em na nau em i gat dispela sans we i nap kirapim gem bilong em moa yet.

Han mak bilong Bennett i stap pinis long ol arapela Dragons pilaia olsem Soward, Morris, Ben Creagh na Darius Boyd.

Nau i luk olsem Gasnier tu bai kisim sampela gutpela samting olsem ol.

Wanpela hevi tasol em Gasnier i no pilai ragbi lig i nap tupela yia olgeta na em i gat 28 krismas nau.

Em i bin stap long Frans we em i pilai 42 ragbi yunion gem bilong Stade Francais long hap.

Gasnier i lusim namba wan gem bilong em wantaim Dragons long Mande agensim Penrith tasol dispela i bin namba wan ragbi lig pilai bilong em bihain long em i kam bek.

Gasnier bai soim yet.

Lockyer na Civoniceva nap long pilai 2011 Origin

MAROONS huka, Cameron Smith i bilip kepten bilong em, Darren Lockyer na fowet, Civoniceva bai nap long pilai State Of Origin gen long 2011.

Em i tok ol Blues i noken ting wok bilong ol Maroons bai pinis bihain long namba tri gem bilong dispela yia.

Ol bai kam bek na traim gen long 2011.

Blues i lusim State of Origin 5-pela yia olgeta pinis na i ting dispela gem long Trinde nait bai laspela bilong Lockyer na Civoniceva tasol Smith i no ting.

Smith, husat i pilaim namba 21 Origin gem bilong em long Trinde i bilip strong olsem tupela bai kam bek na pilai gen long 2011.

"Mi ting mipela bai kisim wankain tim i kam bek gen neks yia," em i tok.

"Mi toktok wantaim Pet (Civoneceva) na mi save olsem em bai laik kam bek gen.

"Locky i no tok wanpela samting tasol em i pilai gut yet olsem na em i nap long kam bek gen," Smith i tok.

Smith i tok tu olsem planti moa Blues sapota i mas kamap long lukim gem long Sydney bai dispela i helpim long strongim gem.

"Sapos mipela i mekim long Brisbane em bai ol i baim olgeta tiket," Smith i tok.



SPOTS DRO RAUN 18

JULAI 9-12
2010

Gems bilong dispela wik



Bulldogs V^s Storm



Eels V^s Cowboys



Knights V^s Sharks



Panthers V^s Warriors



Roosters V^s Rabbitohs



Eagles V^s Raiders



Tigers V^s Titans



Raun 17 - Poin Leda

	TIM	W	L	D	B	Pts
1	Dragons	12	4	0	1	26
2	Panthers	11	4	0	2	26
3	Tigers	9	6	0	2	22
4	Titans	9	6	0	2	22
5	Rabbitohs	8	7	0	2	20
6	S/Eagles	8	7	0	2	20
7	Roosters	8	7	0	2	20
8	Warriors	8	7	0	2	20
9	Broncos	8	8	0	1	18
10	Eels	6	9	0	2	16
11	Knights	6	9	0	2	16
12	Bulldogs	5	10	0	2	14
13	Raiders	5	10	0	2	14
14	Sharks	5	10	0	2	14
15	Cowboys	4	11	0	2	12
16	Storm *	9	6	0	2	0


** NRL I rausim ol poin bilong Melbourne Storm long 2010 sisen.*




GO TASOL: Wanpela fowet bilong Maiari Eagles i traim long brukim banis bilong ol Paga Panthers long Port Moresby ragbi lig A Gred gem bilong ol las wik Sande. *POTO: Andrew Molen/ Wantok.*



WIN: Pini sanap wantaim narapela tupela swima bihain long em i winim gol medol long 50m bataflai swim resis long Osenia sempionsip long Apia, Samoa las wik. *POTO: PNGSI.*



RONAWE: Pilaia bilong Kiunga i laik abrusim birua bilong em bilong Central long Sauten rijen tas sempionsip long Mosbi las wik Fonde. *POTO: Andrew Molen.*



KALAP: Gol suta (GS) bilong Maopa 1 i painim ol wanpela long tromoi bal i go long ol long A gred gem bilong ol agensim Gaivakala long sentrol provins netbol sempionsip long Mosbi long Trinde dispela wik. *POTO: Andrew Molen.*

Port Moresby Rugby Football Union
Wik 14 - Dro
Sarere Julai 10, 2010

Pilai graun 1.			
9.00am U20	Wanderers	vs.	Chiefs
10.20am B	Wanderers	vs.	Chiefs
11.40am B	Brothers	vs.	Hunters
1.00pm A	Wanderers	vs.	Chiefs
2.20pm A	Brothers	vs.	Hunters
3.50pm Primia	Brothers	vs.	Hunters

Pilai graun 2.			
9.00am U20	Brothers	vs.	Hunters
10.20am U20	University	vs.	Harlequins
11.40am B	University	vs.	Harlequins
1.00pm A	University	vs.	Harlequins
2.30pm Primia	University	vs.	Harlequins

Sande Julai 11, 2010.			
Pilai graun 2.			
10.00am U20	Defence	vs.	Royals
11.20pm B	Defence	vs.	Royals
12.40pm A	Defence	vs.	Royals
2.10pm Primia	Wanderers	vs.	Chiefs
3.40pm Primia	Defence	vs.	Royals

Pilai graun 2			
11.00am U20	Kone	vs.	Lasalians

12.20pm B	Kone	vs.	Lasalians
1.40pm A	Kone	vs.	Lasalians
3.10pm Primia	Kone	vs.	Lasalians
Bai: Olgeta meri tim.			

Corporate Touch Port Moresby
Raun 13 dro

Sande Julai 11, 2010			
Pilai graun 1 – Pul A.			
8.30am OM	BSP Love your Bank vs	SP Brewery	
9.00am OM	Bishop Brothers vs	David Consultant	
9.30am OW	BSP Love your Bank vs	SP Brewery	
10.00am OW	Bishop Brothers vs	David Consultant	
10.30am MIX	BSP Love your Bank vs	SP Brewery	
11.00am MIX	Bishop Brothers vs	David Consultant	
11.30am JN Girls	White	vs	Blues
12.00pm JN Boys	White	vs	Blues
12.30pm MAS	BSP Love your Bank vs	G4S	
1.00pm OW	Niuford Water Board vs	G4S	
1.30pm OW	Coffee International vs	Crusaders	
2.00pm MIX	Niuford Water Board vs	G4S	
2.30pm MIX	Coffee International vs	Crusaders	
3.00pm OM	Niuford Water Board vs	G4S	
3.30pm OM	Coffee International vs	Crusaders	

4.00pm OMIX	Trening Skwat
Bai:	Colgate Palmolive na MTSL Masters.

Pilai graun 2 – Pul B.			
8.30am OM	Post PNG vs	South Pacific	Airconditioning
9.00am OM	NCD Professional	vs	Guiness
9.30am OM	Origin Energy vs	MTSL	
10.00am OW	Post PNG vs	South Pacific	Airconditioning
10.30am OW	NCD Professional	vs	Guiness
11.00am OW	Origin Energy	vs	MTSL
11.30am MIX	POST PNG vs	South Pacific	Airconditioning
12.00pm MIX	NCD Professional	vs	Guiness
12.30pm MIX	Origin Energy	vs	MTSL
1.00pm MAS	Coffee International	vs	NCD Professional
1.30pm OW	PNG Sustainable	vs	PNG Power
2.00pm OW	Propest Interior Delight	vs	PWC
2.30pm MIX	PNG Sustainable	vs	PNG Power
3.00pm MIX	Propest Interior Delight	vs	PWC
3.30pm OM	PNG Sustainable	vs	PNG Power
4.00pm OM	Propest Interior Delight	vs	PWC
4.30pm	Snr Mix Trening skwat		

TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

Pini na tim mekim gut

RYAN Pini winim gol medol long 50m bataflai (butterfly) resis long helpim PNG Kundu swim tim i putim gutpela salens long Osenia sempionsip long Apia, Samoa Jun 22 i go long 23 na 25 i go long 26.

Peter Pokawain, 16 krismas, tu i resis insait long fainols na i putim nupela taim bilong em long 26.87 long pinis namba 6 ples.

Olpela taim bilong em i bin stap long 26.79.

Long B fainols bilong dispela resis i lukim Ian Nakmai i putim 28.27 long swim bilong em.

Long ol meri, Judith Meauri go insait long fainols tu wantaim 31.57 we i klostu long gutpela taim bilong em long 31.40 we em i putim bipo long fainols long dispela tonamen yet. Danny Pryke na Jenixon Lim tu i kamapim ol gutpela taim long B fainols bilong 200m fri stail (freestyle) swim resis bilong ol man.

Tim i mekim gut long bekstrok (backstroke) na rile bilong ol divisen bilong ol meri na man wantaim.

Tim kosa, Elizabeth Wells i amamas long pilai bilong ol na i tok ol inap kamap ol gutpela swima bihain taim.

“Dispela tim i gat ol gutpela swima na sapos ol i stap long taim long dispela spot bai ol inap kamap gutpela moa long planti ol arapela bikpela tonamen,” Wells it ok.

Em i tok tu olsem dispela tonamen i givim ol gutpela luksave long wanem samting ol bai bungim long bikpela Intanesenel tonamen olsem.

“Em i gutpela long trening na developmen bilong ol,” Wells i tok.

Dispela em namba 8 taim bilong dispela tonamen we i save kamap bihain long tupelo yia.

Ol tim i kam long Australia, Cook ailans, Fiji, Guam, Hawaii, Marshall ailan, New Caledonia, New Zealand, Noten Marianas, Palau, Tonga na Samoa.

Wells it ok dispela tonamen i kamap wanpela rot bilong ol long redi long ol bikpela pilai olsem Pasi-fik gems, Comonwealth gems, FINA wol sempionsip na Olimpik.



WASWAS: Yangpela tim we i mekim gut long sempionsip. POTO: PNGSI.

Sauten bai makim tim

OLGETA nambawan junia AFL PNG pilaia bilong Sauten rijen bai bung dispela Sarere na Sande long Mosbi long bikpela resis bilong ol.

Ol bai stap insait long “Southern Sharks Coca Cola Regional” sempionsip long Murray bareks pilai graun long anda 13, 15 na 17 divisen bilong ol man na meri wantaim.

Pilai bilong ol man bai stat long Fraide (Julai 9) na pinis long Sarere, pilai bilong ol meri bai kamap long Sarere.

Dispela tonamen em namba wan rot bilong dispela ol yangpela pilaia long kisim luksave na pilai go moa long ol narapela level antap moa tu.

25 pilaia long wanwan divisen bai gat sans long makim ples bilong ol long Coca Cola nesenel sempionsip long Lae long pinis bilong mun September, dispela yia yet.

Hailans, Noten na Ailans rijen tu bai kamap wanwan tonamen bilong ol olsem dispela bipo ol tu i makim tim long salim i go long dispela sempionsip tu.



TIM: Ol nambawan yangpela pilaia bilong Sauten rijen bai pilai dispela wiken.

Boksing tim makim Osenia na Commonwealth

PAPUA Niugini nesenel boksing tim i makim long mekim gutpela nem long Osenia boksing sempionsip na Commonwealth gems dispela yia.

Tim i statim ol trening program bilong ol pinis we 6-pela top paitman i stap insait long en.

Namel long ol em Louie Magaiva (49kg), Camillus Kaikai (52kg), Mark Keto (56kg), Andrew Opugu (60kg), Emil Kaoka (64kg), na Peter Michael (75kg).

Dispela tim bai go long Bangkok long Thailand long wik i kam long kisim sampela moa trening.

Tonamen dairekta bilong PNG Boxing Union na tu kodineta bilong NCD Boxing Association, Dick Larry, i tok dispela tim i gat ol ekspiriens paitman husat em ol namba wan boksa bilong PNG nau.

Em i tok tim bai go long Thailand wantaim kosa bilong ol, Joe Aufa.



“Ol bai kisim gutpela trening long hap bilong wanem em i ples we olgeta gutpela boksa na kosa i save bung na tren

na pait,” Larry i tok.

Tim bai gat 4 o 5-pela pait olgeta wiken long redi long dispela Osenia sempionsip long Canberra, long mun Ogas 5 i go long 8.

National Capital District Commission (NCDC) i givim K10, 000 long tim long helpim ol dispela treninig program bilong ol.

Larry i tok amamas long NCD Gavana, Powes Parkop na tu menesmen bilong NCDC

HELPIM: Sampela ol boksa na ofisol i kisim sek bilong mani long Kila Dick bilong NCD. POTO: NCD midia yunit.

long dispela helpim.

“Spots em i wanpela rot long lukautim na helpim ol yangpela na tu kamapim gutpela sindaun.

“Helpim bilong mipela em long strongim dispela,” sosol sevis menesa bilong NCDC, Kila Dick i tok.

Ol ogenaísesen we i save sapotim na helpim ol yangpela na spots bai

kisim gutpela luksave na helpim i kam long komyuniti bilong ol.

Long wankain taim Larry i tok olsem nesenel sempionsip we i sapos long kamap dispela mun long Vanimo em nau bai kamap long mun Novemba.

Em i tok tu olsem wol sempionsip bilong ol meri bai kamap long Barbados long Septemba 6 i go

long 19 na 4-pela meri bai makim PNG long hap.

Dispela ol em Debbie Kaore (75kg) na Sylvia Kengema (69kg) bilong NCD wantaim Angela Ine (57kg) na Elizabeth Aukapunga (81kg) bilong Sentrol provins.

“Dispela em ol ekspiriens meri long pait na trening bilong ol i wok long kamap gut tasol,” Larry i tok.

Gutpela tumas

■ Ikam longpes 27

Wanpela fil gol bilong Darren Lockyer i kisim Maroons i go pas 13-6 long hap taim.

Blues i kam strong long namba tu hap wantaim wanpela trai bilong Kurt Gidley long 47 minit na Greg Bird long 68 minit i kisim ol i go pas 18-13.

Tasol spit bilong Billy Slater i kisim ol i go pas gen 19-17 wantaim ol kik bilong Thurston bipo Willie Tonga i pasim dua long ol Blues long full-taim.

Lockyer i tok ol Blues i pilai gut long dispela gem na ol bai nap kam bek strong long 2011.

Fowet, Petero Civoniceva i tok ol i win bilong wanem ol i no bin giv ap taim ol Blues i bin go pas long gem.

“Mipela i pasim tingting na pilai yet long gem plen bilong mipela na em i karim kaikai,” em i tok.

Folau tu i tok strong bilong ol long pait yet na i no giv ap i lukim ol i kam bek na daunim ol Blues.

Blues kepten, Trent Barrett husat i pilaim laspela gem bilong em i tok ol i traim hat tru tasol i no bin inap long pasim ol Maroons.

Ol toktok i kamap nau olsem dispela Maroons tim em i winim ol arapela i bin kamap bipo.

Gutpela wiken bilong Yao na Bisamo

SAPOLAI Yao na Kupsy Bisamo i gat gutpela wiken taim ol i kamapim gutpela ron long Gold Coast Half Marathon na 10km resis las wik.

Dispela i namba wan taim tru bilong Bisamo long ron long resis long rot taim em i stap insait long 10km resis.

Em i putim mak long 32 minit na 39 seken (32.39) long pinis namba 18 ples namel long 5, 000 husat i resis.

Yao tu i putim mak bilong em insait long 21km hap marathon (half marathon) resis bilong em wantaim 1 awa, 11 minit na 13 seken (1:11.13) long brukim nesenel rekot bilong em yet long 1:12.20 we em i bin putim tripela yia i go pinis long Melbourne. Dispela taim i putim Yao long

namba 23 ples namel long 8, 000 husat i resis.

Yao i no bin stap insait long planti resis long las tupela yia i kam tasol em i bai gat bikpela salens i kam long Bisamo taim ol i stap insait long nesenel sempionsip long Lae dispela wiken.

PNG Athletics Union (PNGAU) presiden, Tony Green i amamas long pilai bilong tupela na i tok dispela bai strongim sans bilong PNG long winim ol medol long dispela kain resis long Pasifik gems long 2011.

Yao wanpela tasol i stap longpela taim insait long dispela PNG nesenel tim we i lukim em i makim kantri long 1999 yet wantaim U18 Oceania sempionsip long Guam.



MAN BILONG RON: Yao bai gat gutpela salens i kam long Bisamo.





talk all day
all night for



1t per min
after the first minute





Call your bemobile wantoks for as long as you like with our wantoea wantok rate.
Only 1 toea per minute after the first minute, anytime!

bemobile toktok moa

Gutpela tumas

Blues i traim hat

QUEENSLAND i givim laspela kik bilong ol i go long winga Israel Folau tasol em i abrus bihain long ol i winim namba tri gem bilong State Of Origin 23-18 long Sydney aste nait. Dispela em i laspela gem bilong Folau bipo em i go pilai AFL stat

long 2011. Folau i pilai 8-pela gem bilong Queensland na i putim 7-pela trai. Ol Blues i pilai strong long namba wan hap bilong gem tasol i no long taim, Maroons winga Darius Boyd i putim namba wan trai bilong ol bihain

long 20 minit. Nate Myles i putim namba wan Origin trai bilong em tu long kisim ol i go pas 12 - 0 wantaim ol kik bilong Johnathan Thurston bipo Paul Gallen i bekim wanpela trai bilong ol Blues.

Moa long Pes 27.



TRAI: Darius Boyd i putim namba wa trai bilong ol Maroons.

Jeep
Patriot



100% finens long K90 wan wan dei

I stap long ol lain mipela i tok arait long kisim, sampela teins na kondisen bai i stap!

BOROKO MOTORS

HEAD OFFICE PORT MORESBY PO Box 1259, Boroko Cnr Waigani Drive & Cameron Road, Gordons. phone: 325 5111 Fax: 325 5301
EMAIL & WEBSITE info@borokomotors.com.pg | www.boroko-motors.com



MEMBER